

昭德先生郡齋讀書志卷第十三

小說類

周盧注博物志十卷盧氏注六卷



門人姚應續編



右晉張華撰載歷代四方奇物異事兩本前六卷畧同無周氏注者稍多而無後四卷周名日用西京賦曰小說九百起自虞初周人也其小說之來尚矣然不過志夢卜紀譎怪記談諧之類而已其後史臣務采異聞往往取之故近時為小說者始多及人之善惡甚者肆喜怒之私變是非之實以誤後世至於譽桓溫而毀陶侃褒盧杞而貶陸贄者有之今以志怪者為上褒貶者為下云

讀書志卷十三

一

世說新語十卷重編世說十卷

右宋劉義慶撰梁劉孝標注記東漢以後事分三十八門唐藝文志云劉義慶世說八卷劉孝標續十卷而崇文總目止載十卷當是孝標續義慶元本八卷通成十卷耳家本有二一極詳一殊畧畧有稱改正未知誰氏所定然其目則同劉知幾頗言此書非實錄子亦云

殷芸小說十卷

右宋殷芸撰述秦漢以來雜事予家本題曰劉餗李淑以爲非

述異記二卷

右梁任昉撰昉家藏書三萬卷天監中采輯前代之事纂新述異皆時所未聞將以資後來屬文之用亦博物之意唐志以爲祖同所作誤也

卓異記一卷

右唐李翱撰或題云陳翱開成中在襄陽記唐室君臣

讀書志卷十三

二

功業殊異者二十七類

異聞集十卷

右唐陳翰編以傳記所載唐朝奇怪事類爲一書

博異志一卷

右題曰谷神子纂序稱其書頗箴規時事故隱姓名或曰名還古而竟不知其姓志怪之書也

集異記二卷

右唐薛用弱撰集隋唐間談詭之事一題古異記首載

徐佐卿化鶴事

陸氏集異記二卷

右唐陸勳纂語怪之書也凡三十二事言犬怪者居三之一

稽神異苑十卷

右題云南齊焦度撰雜編傳記鬼神變化及草木禽獸妖怪譎詭事按焦度南安氏也覆案氏原本民瞿鈔本同通考氏今據改質

訥樸戇以勇力事高帝決不能著書又卒於建元四年而所記有梁天監中事必非也唐志有焦路窮神祕苑十卷豈卽此書而相傳之訛歟

讀書志卷十三

三

宣室志十卷

右唐張讀聖朋撰

案原本瞿鈔本作聖明書錄解纂輯題作聖用今據袁本通考改

仙鬼靈異事名曰宣室志者取漢文召見賈生論鬼神之義苗台符爲之序

元怪錄十卷

右唐牛僧孺撰僧孺爲宰相有聞於世而著此等書周秦行紀之謗蓋有以致之也

續元怪錄十卷

右唐李復言撰續牛僧孺書也分仙術感應三門

周秦行紀一卷

右唐牛僧孺自敘所遇異事賈黃中以為韋瓘所撰瓘李德裕門人以此誣僧孺

洽聞記三卷

右唐鄭常撰。案常字原本作當時誤。覆案通考常今據改。記古今神異詭譎

事凡百五十六條或題曰鄭遂。案唐宋藝文志作鄭遂。

甘澤謠一卷。案原本脫卷數今據袁本及通考補。

右唐袁郊撰載譎異事九章咸通中久雨卧疾所著故

曰甘澤謠

讀書志卷十三

四

河東記三卷

右唐薛漁思撰亦記譎怪事序云續牛僧孺之書

酉陽雜俎二十卷續酉陽雜俎十卷

右唐段成式撰自序云縫掖之徒及怪及戲無侵於儒詩書為太羹史為折俎子為醢醢大小二酉山多藏奇書故名篇曰酉陽雜俎分三十門為二十卷其後續十卷

傳奇三卷

右唐裴鉞撰唐志稱鉞高駢客故其書所記皆神仙恢

案袁本怪。譎事駢之感呂用之未必非劍輩導諛所
覆案通考恢致

稽神錄六卷

右南唐徐鉉撰記怪神之事序稱自乙未歲至乙卯凡
二十年僅得百五十事楊大年云江東布衣蒯亮好大
言夸誕鉉喜之館於門下稽神錄中事多亮所言

乘異記三卷

右皇朝張君房撰其序謂乘者記載之名異者非常之
事蓋志鬼神變怪之書凡十一門七十五事

讀書志卷十三

五

括異記十卷

右皇朝張師正撰師正擢甲科得太常博士後遊宦四
十年不得志於是推變怪之理參見聞之異得二百五
十篇魏泰為之序

祖異志十卷

右皇朝聶田撰田天禧中進士不中第至元祐初因記
近時詭聞異見一百餘事天禧至元祐七十餘年田且

百歲矣

案通考有康定
元年序五字

洛中紀異十卷

右皇朝秦再思記五代及國初讖應雜事

洞微志十卷

右皇朝錢希白述記唐以來詭譎事

太平廣記五百卷

右皇朝太平興國初詔李昉等取古今小說編纂成書

同太平御覽上之

案通考有賜名廣記四字

鹿草事類三十卷鹿草文類三十卷

右節太平廣記事實成一編曰事類詩文成一編曰文

類蔡葉曹如所撰晉如博學通音律能屬文與十父相

讀書志卷十三

六

友善

唐語林十卷

右未詳撰人效世說體分門記唐世名言新增嗜好等

十七門餘皆仍舊

史話三卷

右不題撰人自後漢及江左朝野雜事皆記之

因話錄六卷

右唐趙璘撰璘字澤章大中時爲衢州刺史

案時爲二字原本隳

鈔本脫今據袁本通考補記唐史逸事

劇談錄三卷

右唐康駢字駕言撰乾符中登進士第書咸載唐世故事

樹萱錄一卷

右序謂纂尚書榮陽公所談覆案袁本與此同
通考引作陳氏語

資暇三卷

右唐李匡文案原本作匡義袁本作又俱誤今據瞿鈔
本書錄解題唐宋藝文志改正通考雜家
小說家此書兩見前引陳氏語多集字作匡文後
作義錢氏大昕曰義與文乃字形相涉而譌也濟翁

撰序稱世俗之談類多訛誤雖有見聞嘿不敢證故著

讀書志卷十三

七

此書上篇正誤中篇譚元下篇本物以資休暇云

芝田錄一卷

右敘謂嘗憩緱氏故取潘岳西征賦名其書記隋唐雜事未詳何人總六百條

封氏見聞記五卷

右唐封演撰分門記儒道經籍人物地理雜事且辨俗說訛謬蓋著其所見聞如此

松窗錄一卷

右唐韋叡撰記唐朝故事

朝野僉載補遺三卷

右唐張鷟文成撰分三十五門載唐朝雜事鷟自號浮休子蓋取莊子其生也浮其死也休之義

幽閒鼓吹一卷

右唐張固撰紀唐史遺事二十五篇懿僖間人

朝廷卓絕事一卷

右唐陳峴撰記唐朝忠賢卓絕事五十

戎幕閒談一卷

右唐韋絢撰大和中爲李德裕從事記德裕所談

讀書志卷十三

八

杜陽雜編三卷

右唐蘇鶚撰字德祥光啟中進士家武功杜陽川雜錄
廣德以至咸通時事

雲谿友議三卷

右唐范攄撰記唐開元以後事攄五谿人故以名其書

譚賓錄十卷

右唐胡璩子溫撰皆唐朝史之所遺文武間人

金華子三卷

右唐劉崇遠撰金華子崇遠自號蓋慕黃初平爲人也

錄唐大中後事一本題曰劉氏雜編

乾牒子三卷

右唐溫庭筠撰序謂語怪以悅賓無異腴味之適口故以乾牒命篇

撫言十五卷

右唐王定保撰分六十三門記唐朝進士應舉登科雜事

北里志一卷

右唐孫綰撰記大中進士遊狹邪雜事案邪雜二字袁本通考作平康

讀書志卷十三

九

孫光憲言祭之意在譏盧相攜也蓋攜之女與其甥通攜知之遂以妻之殺家人以滅口云

劉公嘉話錄一卷覆案通考標目無錄字

右唐韋絢撰劉公謂禹錫絢字文明執誼子也咸通中為義武節度幼從學於禹錫錄其語言

尚書故實一卷

右唐李綽編崇文總目謂尚書即張延賞也綽紀延賞所談故又題曰尚書談錄按其書稱嘉貞為四世祖疑非延賞也

家學要錄一卷

右唐柳理采其曾祖彥昭祖芳父冕家集所記累朝典章因革時政得失著此錄小說之尤者也

常侍言旨一卷

右唐柳理記其世父芳所著凡十六章上清劉幽求二傳附

北夢瑣言二十卷

右荆南孫光憲撰光憲蜀人從楊

案通考陽

玘元澄

覆案通考證

遊多聞唐世賢哲言行因纂輯之且附以五代十國事

讀書志卷十三

十

取傳畋於江南之夢自以爲高氏從事在荆江之比故命編云

皮氏見聞錄五卷

右五代皮光業撰唐末爲餘杭從事記當時詭異見聞自唐乾符四年迄晉天福二年自號鹿門子

鑑誠錄十卷

右後蜀何光遠撰字輝夫東海人唐證中纂輯唐以來君臣事迹可爲世鑒者前有劉曦度序李獻臣云不知何時人考之不詳也

賈氏談錄一卷

右偽唐張洎奉使來朝錄其家

覆案通考無其家二字袁本作典故賈黃

中所談三十餘事歸獻其主

楊文公談苑八卷

右皇朝宋庠編初楊公億里人黃鑑哀撰平生異聞為一編庠取而刪類之分為二十一門

景文筆錄三卷

右皇朝宋祁撰皆故事異聞嘉言奧語可為談助不知何人所編每章冠以公曰景文乃祁諡也

讀書志卷十三

十一

歸田錄六卷

覆案通考標目十卷

右皇朝李昉撰昉蜀人張詠客也與范鎮友善熙寧中致仕歸與門人賓客燕談袞袞忘倦門人請編錄遂以

該聞為目

覆案通考無袞袞二字編錄下有之字遂以該聞為目作又名該聞錄向下有書錄解題

作十卷夾注七字則通考之標目十卷者從陳氏也

又有雜詩十二篇係於後

江鄰幾雜誌三卷

右皇朝江休復撰休復歐陽永叔之執友其所記精博

絕人遠甚鄰幾其字也

案通考有又名嘉祐雜誌六字

開談錄二卷

右皇朝蘇耆撰舜卿之父也記五代以來雜事下帙多載馮道行義

東齋記十卷

右皇朝范鎮景仁元豐中撰序言既謝事日於東齋燕坐追憶在朝時交遊言語與夫俚俗傳記因纂集成一編崇觀間以其及國朝故事禁之

春明退朝錄三卷

右皇朝宋敏求次道撰多記國朝典故其序云熙寧三年予奉朝請於春明里因纂所聞也

讀書志卷十三

十三

南遷錄二卷

右皇朝張舜民芸叟撰舜民元豐中從軍攻靈州師還謫授郴州案袁本通考作柳州監酒卽日之官記塗中所歷并其

詩文

孔氏雜說記一卷

案袁本作雜記書錄解題作雜說瞿鈔本通考與此同

右皇朝孔武仲撰

案書錄解題作孔平仲撰

論載籍中前言往行及

國家故實賢哲文章亦時記其所見聞者

筆談二十六卷

右皇朝沈括存中撰括好功名城永樂不克貶死而實

高材博學多技能音律星麻尤邃自序云退處林下深居絕過從所與談者惟筆硯而已故以命其書凡十七目

龍川畧志六卷龍川別志四卷

右皇朝蘇轍撰輒元符二年夏居循州杜門閉目追憶平昔使其子遠書之於紙凡四十事其秋復記四十七事龍川循州地名

古今前定錄二卷

右皇朝尹國均輯經史子集古今之人興衰窮達貴賤

讀書志卷十三

十三

貧富死生壽夭與夫一動靜一語默一飲一啄定於前而形於夢兆於卜見於相貌應於讖記者凡一門以爲不知命而躁競者之戒至若裴度以陰德而致貴孫亮以陰謹而減齡之類又別爲二門使君子不以天廢人云

牧豎閒談三卷

右皇朝景溪纂十九事景溪蜀人也

案景溪袁本通考作景漁瞿鈔本與

此同。覆案舊鈔袁本又作景渙溪漁渙字形相近故諸本錯出存疑於此

郡閣雅言一卷

右皇朝潘若同撰太宗時守郡與僚佐話及南唐野逸

賢哲異事佳言輒疏之於書凡五十六條以資雅言或

題曰郡閣雅談覆案通考未有書錄解題作郡閣雜言題贊善大夫潘欲冲撰十八字當是貴

與附記語

祕閣雅談五卷

案通考雅作閣

右皇朝吳淑撰記祕閣同僚燕談淑仕南唐後隨李煜

降案通考未有丹陽人三字

幕府燕閒錄十卷

右皇朝畢仲詢撰仲詢元豐初為嵐州推官纂當代奇

讀書志卷十三

十四

怪可喜之事為二十門

澗水燕談十卷

右皇朝王闢紹聖閒撰澗水其退居之地也闢從仕四

方與賢士大夫燕談有可取者輒記之久而得三百六

十餘事

傅公嘉話一卷

右皇朝傅堯俞之子孫記堯俞之言行凡四十餘章獻

簡堯俞諡也

曾公南遊記一卷

右曾公未詳何人當是公亮之孫也共十二章記國朝
雜事

摺紳脞說二十卷

右皇朝張唐英君房撰君房博學通釋老善著書如名

臣傳蜀檮杌雲笈七籤行於世者無慮數百卷此書亦

詳實

盧氏羣書拾補云張唐英字次功是張商英天覺

兄張君房乃別一人晁誤認爲一人而以名臣傳

蜀檮杌皆歸之君房誤甚

案此書錄解題已言其誤

稗官志一卷

右皇朝呂大辨雜記其所聞前言往行

讀書志卷十三

十五

倦遊雜錄八卷

右皇朝元豐初張師正撰序言倦遊云者仕不得志聊

書平生見聞將以信於世也自以非史官雖書善惡而

不敢褒貶

東軒筆錄十五卷續錄一卷

右皇朝魏泰撰泰襄陽人曾布之婦弟爲人無行而有

口頗爲鄉里患苦元祐中紀其少時公卿間所聞成此

編其所是非多不可信心喜章惇數稱其長則大概已

可見又多妄誕姑舉其一如謂王沂公登甲科劉子儀

爲翰林學士嘗戲之按沂公登科雖在子儀後四年其
入翰林沂公反在子儀前七年沂公咸平五年登科子
儀天禧二年始除學士蓋相去二十年其謬至此

師友談記一卷

右皇朝李薦方叔撰多記蘇子瞻范純夫及四學士所
談論故曰師友

青箱雜記十卷

案原本瞿鈔本袁本
脫卷數今據通考補

右皇朝吳處厚撰處厚發蔡確車蓋亭詩事者所記多
失實成都置交子務起於冠域處厚乃以爲張詠他多

讀書志卷十三

十六

類此

覆案通考無事者
二字袁本亦無

紺素雜記十卷

覆案通考
記作說

右皇朝黃朝英撰所記二百事朝英建州人紹聖後舉
子也爲王安石之學者以贈之以芍藥爲男淫女貽我

握椒爲女淫男

案通考此下有鄙褻不
典句瞿鈔本袁本無之

前輩嘗以是爲

嗤

案通考
有笑字

朝英獨

覆案通考作特

愛重之

案通考此下有以爲
得詩人深意其八字

瞿鈔本袁
本亦無之

他可知矣

湘山野錄四卷

右皇朝熙寧中僧文瑩撰記國朝故事

冷齋夜話六卷

右皇朝僧惠洪撰多記蘇黃事皆依託也江淹擬陶淵明詩其辭浮淺洪既誤以爲真淵明語且云東坡嘗稱其至到鬼谷子書世所共見而云有崖蜜櫻桃也之言東坡橄欖詩已輸崖蜜十分甜蓋用之如此類甚多不可枚舉

茅亭客話十卷

右皇朝黃休復撰茅亭其所居也暇日賓客話言及虛無變化諛俗卜筮雖異端而合道旨屬懲勸者皆錄之

讀書志卷十三

七

玉壺清話十卷

右皇朝僧文瑩元豐中撰自序云文瑩收國初至熙寧中文集數千卷其閒神道墓誌行狀實錄奏議之類輯其事成一家言玉壺者其隱居之潭也

衣冠嘉話一卷

右未詳何人撰記國初至熙寧中雜事

遜齋閒覽十四卷

右皇朝陳正敏崇觀閒撰正敏自號遜翁錄其平昔所見聞分十門爲小說一編以備後日披閱

褒善錄一卷

右皇朝王蕃撰嘉祐中巴縣簿黃靖國死而復蘇道其冥中所見廖生嘗傳之蕃刪取其要為此書

吉凶影響錄十卷

右皇朝岑象求編象求熙寧末閒居江陵披閱載籍見善惡報應事輒刪潤而記之間有聞見者難乎備載亦采摘著於篇

勸善錄六卷

右皇朝周明寂元豐中纂道釋神奇禍福之效前人爲

讀書志卷十三

六

傳紀者成一編以誡世

勸善錄拾遺十五卷

右不題撰人疑亦明寂所纂僅百事

雞跖集十卷

右未詳撰人所集書傳中瑣碎佳事分門編次之淮南子曰善學者如齊王食雞必食其跖名書之意殆以此

二百家事類六十卷

右分門編古今稗官小說成一書雖曰該博但失於太

畧耳不題撰人姓氏

覆案通考無姓氏二字

紺珠集十三卷

右皇朝朱勝非編百家小說成此書舊說張燕公有紺珠見之則能記事不忘故以爲名

類說五十六卷

案通考作五十卷

右皇朝曾慥編其序云閒居銀峯因集百家之說纂集成書可以資治體助名教供談笑廣聞見

漁樵閒話二卷

右設漁樵問答及史傳雜事不知何人所爲

麗情集二十卷

讀書志卷十三

五

右皇朝張君房唐英編古今情感事

雲齋廣錄十卷

右皇朝政和中李獻民撰分九門記一時奇麗雜事鄙陋無所稽考之言爲多

青瑣高議十八卷

右不題撰人載皇朝雜事及名士所撰記傳然其所書

辭意頗鄙淺

說神集二卷

右不題撰人記滑稽之說唐有邯鄲淳笑林此其類也

補妬記一卷

右古有妬記久已亡之不知何人輯傳記中婦人嚴妬事以補亡自商周至於唐初

後山詩話二卷

右皇朝陳師道無已撰論詩七十餘條

續詩話一卷

右皇朝司馬光君實撰序云詩話尚有遺者歐公文章聲名雖不可及然記事一也故敢續之

歐公詩話一卷

讀書志卷十三

二

右皇朝歐陽修永叔撰修退居汝陰戲作此以資談笑

東坡詩話二卷

右皇朝蘇軾號東坡居士雜書有及詩者好事者因集之成二卷

中山詩話三卷

右皇朝劉放貢父撰多及歐梅蘇石放以博學名世如言蕭何未嘗掾工曹亦有誤謬

詩眼一卷

右皇朝范溫元實撰溫范祖禹之子學詩於黃庭堅

歸叟詩話六卷

右皇朝王直方立之撰直方自號歸叟元祐中蘇子瞻及其門下士以盛名居北門東觀直方世居浚儀有別墅在城南殊好事以故諸公亟會其家由是得聞緒言餘論因輯成此書然其間多以己意有所抑揚頗失是非之實宣和末京師書肆刻印鬻之羣從中以其多記從父詹事公話言得之以呈公取覽之不懌曰皆非我語也

天文類

讀書志卷十三

廿一

司天考古星通元寶鏡一卷

案古通考同
袁本作占

右題曰巫咸氏皇朝太平興國中詔天下知星者詣京師未幾至者百許人坐私習天文或誅或配隸海島由是星麻之學殆絕故予所藏書中亦無幾姑裒數種以備數云

甘石星經一卷

右漢甘公石申撰以日月五星三垣二十八舍恒星圖象次舍有占訣以候休咎

景祐乾象新書三卷

覆案袁本後志標目卷數
與此同通考作三十卷

右崇文目有三十卷置之天文類

案通考有今惟三卷四字。覆案右崇文

目云云袁本後志同通考引晁氏語只有今惟三卷四字

步天歌一卷

右未詳撰人二十八舍歌也三垣頌五星凌犯賦附於後或云唐王希明撰自號丹元子

列宿圖一卷天象分野圖一卷

右未詳撰人

麻算類

合元萬分麻一卷

讀書志卷十三

廿

右唐曹氏撰未知其名麻元起唐高宗顯慶五年庚申蓋民間所行小麻也本天竺麻為法李獻臣云

麻法一卷

右未詳撰人麻草也

刻漏圖一卷

右皇朝燕肅撰肅有巧思上蓮花漏法嘗知潼川

覆案通考

州作

有石刻存焉洛陽宋君者增損肅之法為此圖

百中經三卷

右自紹興二十一年以上百二十年麻日節文也

集聖歷四卷

右皇朝揚可集可

案通考有久字

為司天冬官正輯古今陰陽

書彙為四時以涓擇日辰云

讀書志卷十三

廿三

昭德先生郡齋讀書志卷第十三終

皇朝以...

皇朝以...

皇朝以...

昭德先生郡齋讀書志卷第十四

門人姚應績編

五行類

廣古今五行志三十卷

右竇蓋撰

案唐藝文志作竇惟蓋

唐志有其目未詳何人纂五行

變異敘其徵應蓋爲洪範之學者自古術數之學多矣
言五行則本洪範言卜筮則本周易近時兩者之學殆
絕而最盛於世者葬書相術五星祿命六壬遁甲星禽
而已然六壬之類足以推一時之吉凶星禽五星祿命
相術之類足以推一身之吉凶葬書之類足以推一家
之吉凶遁甲之類足以推一國之吉凶其所知若有遠
近之異而或中或否不可盡信則一也且其說皆本於
五行故同次之爲一類

八五經三卷

覆案通考作一卷

右序云黃帝書八五謂八卦五行雖後人依託者而其
辭亦馴雅相墓書也吕才葬篇以六說詰其不驗且云
世之人爲葬巫所欺忘擗踊荼毒以期徼倖由是相塋
隴希官爵擇時日規財利誠哉是言也

青囊補注三卷

右晉郭璞撰世謂葬書之學皆無出郭璞之右故今盛行者璞書多按璞傳載葬母事世傳蓋不誣矣未幾卽爲王敦所殺若謂禍福皆繫於葬則璞不應擇凶地以取禍若謂禍福有定數或他有以致之則葬地亦不必擇矣嗚呼璞自用其術尚如此况後遵其遺書者乎

撥沙經一卷

右唐呂才撰地理書畫山水之形成圖蓋依託者

青囊本旨一卷

右不記撰人演郭璞相墓青囊經也

讀書志卷十四

二

洞林別訣一卷尋龍入式一卷

右江南范越鳳集郭璞所記諸家地理書得失爲此書二十四篇并司空珥尋龍入式歌附

會元經二十四卷

右孫季邕撰未詳何代人集諸家相地書芟其鄙陋無驗者成是書

金瑣正要一卷元談經一卷錦囊遺錄一卷五行

統例一卷

右四書皆地理書也

五音地理新書三十卷

案原本瞿鈔本作五行今據袁本通考改。覆案本

書五音可證

右唐僧一行撰以人姓五音驗八山三十八將吉凶之方其學今世不行

秤星經三卷

右不著撰人以日月五星羅喉計都紫炁

案通考作氣下同

月

字十一曜演十二宮宿度以推人之貴賤壽夭休咎不知其術之所起或云天竺梵學也按洪範曰歲月日時

讀書志卷十四

三

無易百穀用成又用明俊民用章家用平康月之從星則以風雨冷州鳩曰武王伐殷歲在鶉火月在天駟一曰在析木之津辰在斗柄星在天竈以此言之五星之術其來尚矣蓋可以占國則可以占事可以占事則可以占人也然術家用日月五星以占吉凶又加以交初交中之神紫炁月字之宿初中者交食之會亦可以意求惟炁字無稽而術家獨以為效且曰土木之餘氣五星之行土木最遲而為吉凶者久故有餘氣云

周易十二論一卷

右未詳撰人論日月五星直年以占吉凶

珞琰子三命一卷

右李獻臣云珞琰者取珞珞如玉琰琰如石之義推人生休咎否泰之法箕子曰五行水火金木土禹曰辛壬癸甲則甲子五行之名蓋起於堯舜三代之時矣鄭氏釋天命之謂性曰謂木神則仁金神則義之類又釋我辰安在曰謂六物之吉凶此以五行甲子推知休咎否泰於其傳者也呂才稱起於司馬季主及王充其言淺哉然才所詆建祿背祿三刑劫殺建學空亡勾絞六害驛馬之類皆今世三命之術也亦在才之前矣由是觀之視他術淵源獨遠且小運之法本於說文巳字之訓空亡之說本於史記孤虛之術多有所自來故精於其術者巧發奇中最多

珞琰子疏五卷

右皇朝李全東方明撰

李虛中命書三卷

右唐李虛中撰虛中字常容姓纂云冲之八代孫學最深於五行書壽夭貴賤利不利輒先處其年時百不失

一韓愈言沖爲虛中十一世祖誤也

河圖天地二運賦一卷

右不著撰人論天地二運蓋三命書也崇文目以爲卜筮類

五命祕訣一卷

右皇朝林開撰三命之術年月日支干也加以時胎故曰五命

常陽經一卷

右崇文目題曰黃帝式用蓋六壬占卜術也

讀書志卷十四

五

六壬要訣一卷

右未詳何人撰隋志載六壬之書兩種金鑿密記及五代史記頗言其驗今世龜筮道息而此術獨行

六壬課鈐一卷

右未詳何人所纂以六十甲子加十二時成七百二十三課三傳入神以占吉凶

玉關歌一卷

右不題撰人六壬課訣也

三十二家相書三卷

右或集許負以下三十二家書成此編

月波洞中記一卷

右序稱唐任道遙得之於太白山月波洞石壁上凡九篇相形術也崇文目置之五行類

袖中紀一卷

右皇朝李唐濬撰辨人形色相

覆案通考無相字

知其壽夭吉

凶

羣書古鑿一卷

右未詳撰者姓氏熙寧間集書史相術驗者

讀書志卷十四

六

靈龜經一卷

右史蘇撰論龜兆之吉凶崇文目三卷

遁甲萬一訣一卷

右題云唐李靖所纂黃帝書按遁甲之書見於隋志凡一十三家則其學之來亦不在近世矣以休生傷杜景死驚開八門推國家之吉凶通其學者以為有驗未之或試也

遁甲經一卷

右唐胡乾撰李氏書目云此九天元女之術推九星八

門三奇六儀之法

鮮鶚經十卷

右未詳撰人凡十門六十二章以星禽推知人之吉凶言其性情嗜好爲尤驗說者謂本神仙之訣也故此書載於道藏李邕鄆云羅浮山逍遙子撰

八神筮法二卷

右未詳撰人八神者八卦之謂六十四卦之首必云子

夏曰蓋論易筮之吉凶云

案瞿鈔本與此異云右以八卦世分六十四每卦首必云

子夏曰論易筮之吉凶袁本通考同惟六十四下有卦字

讀書志卷十四

七

靈棋經二卷

右漢東方朔撰又云張良劉安未知孰是晉顏幼明宋何承天注有唐李遠敘歸來子以爲黃石公書豈卽以授良者耶按南史載客從南來遺我良財寶貨珠璣金椀玉杯之繇則古之遺書也明矣凡百二十卦皆有繇辭

占燈法一卷

右唐李淳風撰崇文目亦有之

觀燈法一卷

右唐李淳風撰

紫堂訣三卷

右紫堂先生撰未詳何代人著紫垣十二星至隱曜總三百六十位分二十八舍附之以五星配十二辰以推人命之吉凶

兵家類

六韜六卷

右周呂望撰按漢藝文志無此書梁隋唐始著錄分文武龍虎豹犬六目兵家權謀之書也元豐中以六韜孫

讀書志卷十四

八

子吳子司馬法黃石公三畧尉繚子李衛公對問

案通考作

問對頌行武學今習之號七書云按兵法漢成帝嘗命任宏分權謀形勢陰陽技巧爲四種今又有卜筮政刑之說蓋在四種之外矣

魏武注孫子一卷

右吳孫武撰魏武帝注按漢藝文志孫子兵法八十二篇今魏武所注止十三篇杜牧以爲武書數十萬言魏武削其繁剩筆其精粹成此書云其序畧曰吾讀兵書戰策多矣武所著深矣

李荃注孫子三卷

右唐李荃注以魏武所解多誤約歷代史依遁甲注成三卷

杜牧注孫子三卷

右唐杜牧注之注牧以武書大畧用仁義使機權曹公所注解十不釋一蓋借其所得自爲新書爾因備注之世謂牧慨然最喜論兵欲試而不得者其學能道春秋戰國時事甚博而詳知兵者有取焉

陳皞注孫子三卷

讀書志卷十四

九

右唐陳皞撰皞以曹公注隱微杜牧注闕疎重爲之注云

紀燮注孫子三卷

右唐紀燮集唐孟氏賈林杜佑三家所解

梅聖俞注孫子三卷

右皇朝梅堯臣聖俞注歐公爲之序

王皙注孫子三卷

右皇朝王皙撰皙以古本校正闕誤又爲之注仁廟時天下承平久人不習兵元昊旣叛邊將數敗朝廷頗訪

知兵者士大夫人人言兵矣故本朝注解孫武書者大抵皆當時人也

何氏注孫子三卷

右未詳其名近代人也

吳子三卷

右魏吳起撰言兵家機權法制之說唐陸希聲類次爲之說料敵治兵論將變化勵士凡六篇

司馬法三卷

右齊司馬穰苴撰威王使大夫追論古者司馬兵法而

讀書志卷十四

十

附穰苴於其中因號司馬穰苴

覆業通考無穰苴二字

兵法司馬

遷謂其書閎廓深遠雖三代征伐未能竟其義如其文近亦少衰矣穰苴爲區區小國行師何暇及司馬兵法之揖讓乎

黃石公三畧三卷

右題曰黃石公上中下三畧其書論用兵機權之妙嚴明之決明妙審決軍可以死易生國可以存易亡經籍志云下邳神人撰世傳此卽圯上老人以一編書授漢張良者

尉繚子五卷

右尉繚子未詳何人書論兵主刑法按漢藝文志有二十九篇今逸五篇首篇稱梁惠王問意其魏人歟其卒章有曰古之善用兵者能殺卒之半其次殺其十三其下殺其十一能殺其半者威加海內殺十三者力加諸侯殺十一者令行士卒嗚呼觀此則爲術可知矣

張橫渠注尉繚子一卷

右皇朝張載撰其辭其簡載早年喜談兵後謁范文正文正愛其才勸其學儒載感悟始改業此殆少作也

讀書志卷十四

十一

武侯十六策一卷

右蜀諸葛亮孔明撰序稱謹進便宜十六事一治國二

君臣三視聽四納言五察疑

覆察通考疑作則

六治民七舉措

八考黜九治軍十賞罰十一喜怒十二治亂十三教令十四斬斷十五思慮十六陰察陳壽錄孔明書不載此策疑依託者

庾袞保聚圖一卷

右晉庾袞撰晉書孝友傳載袞字叔褒齊王冏之倡義也張泓等掠陽翟袞率衆保禹山泓不能犯此書序云

大駕遷長安時元康三年己酉撰保聚壘議二十篇按
冏之起兵惠帝永寧元年也帝遷長安永興元年也皆
在元康後且三年歲次實癸丑今云己酉皆誤

李衛公問對三卷

案袁本作對問。覆案
對問是前六韜條已見

右唐李靖對太宗問兵事史臣謂李靖兵法世無完書
畧見於通典今對問出於阮逸家或云逸因杜氏附益
之

郭元振安邊策三卷

右唐郭元振撰以總兵進攻聚眾退守不可無權謀乃

讀書志卷十四

十一

著此書故舊題曰定遠安邊策

李臨淮武記一卷

右唐李光弼撰其書凡一百二章末云呂望智廓而遠
孫武思幽而密黃石寬而重斷吳起嚴而貴勇墨翟守
而無攻老聃勝而不美今擇其精要雜以愚識為一家
之書一本題曰統軍靈轄寶祕策或云光弼從事張參
所纂

人事軍律三卷

右皇朝符彥卿撰其序稱言兵者多雜以陰陽殊不知

往亾宋捷甲子胡興鷺入臬集翻成吉兆故此但述人事云或以爲唐燕僧利正撰當考之

覆案瞿鈔本燕作藏通考燕無當考

之三
字

神武秘畧十卷

右皇朝仁宗御撰纂古今兵書戰策及舊史成敗之迹類權謀形勢陰陽技巧凡四門三十篇

武經聖畧十五卷

覆案通考首有三朝二字

右皇朝王洙撰

覆案通考曾公亮丁度撰此必涉下條武經總要致誤也下云洙奉詔洙字不

誤可
知

竇元中西邊用兵朝廷講武備是時洙奉詔編祖

讀書志卷十四

十三

宗任將用兵邊防事迹分二十門

武經總要四十卷

右皇朝曾公亮丁度撰康定中朝廷恐羣帥昧古今之學命公亮等采古兵法及本朝計謀方畧凡五年奏御制度十五卷邊防五卷故事十五卷占候五卷御爲製序

百將傳十卷

右皇朝張預公立撰預觀歷代將兵者所以成敗莫不與孫武書相符契因擇良將得百人集其傳成一書而

以武之兵法題其後上之

兵要望江南一卷

右題云黃石公以授張良者按其書雜占行軍吉凶寓聲於望江南詞取其易記憶總目云武安軍左押衙易靜撰蓋唐人也

倚馬立成法二卷

右唐李淳風撰兵行占候之書也淳風太宗時人而此書起九宮法至貞元六年庚午假託以行其書亦非淳風本真也

案本真袁本作本旨通考作真本。覆案元刻通考本真

讀書志卷十四

古

類書類

同姓名錄三卷

右梁元帝撰纂類歷代同姓名名人成書一卷唐陸善經續增廣之齊梁間士大夫之俗喜徵事以為其學淺深之候梁武帝與沈約徵粟事是也類書之起當在是時故以此錄為首

古今刀劍錄一卷

右梁陶宏景撰記古今刀劍

古人姓字相同錄一卷

案瞿鈔本作姓氏

右唐王光庭撰光庭中進士第

藝文類聚一百卷

右唐歐陽詢等撰分門類事兼采前世詩賦銘頌文章附於逐目之後按唐志詢與令狐德棻袁朗趙宏智同

修案原本瞿鈔本作智宏通考作智行今據唐藝文志改正

北堂書鈔一百七十三卷

覆案瞿鈔本列兔園策後

右唐虞世南撰世南仕隋為祕書郎時鈔經史百家之事以備用分八十八部八百一類北堂者省中虞世南覆案

瞿鈔本中虞空二格通考作之後堂三字鈔書之所也家一百二十卷

讀書志卷十四

十五

兔園策十卷

右唐虞世南撰奉王命

覆案原本瞿鈔本王作主今據通考改

纂古今事

為四十八門皆偶麗之語至五代時行於民間村野以授學童故有遺下兔園策之誚

初學記三十卷

右唐徐堅等撰初張說類集事要以教諸王開元中詔

堅與韋述余欽施敬本張烜

案唐藝文志作恒

李銳

案袁本作銳通考作

銳俱孫季良分門撰次

集類一百卷

右唐劉綺莊撰綺莊毘陵人嘗為蘇州崑山縣令家多異書采摭事類分二十餘門凡五十餘萬言上之於朝前有萬希序題云開元二十九年辛巳按綺莊集有上白敏中啟疑非元宗時人當考

六帖三十卷

右唐白居易撰以天地事物分門類為聲偶而不載所出書曾祖父祕閣公為之注行於世世傳居易作六帖以陶家餅數千各題名目置齋中命諸生采集其事類投餅內倒取之鈔錄成書故所記時代多無次序云

讀書志卷十四

六

通典二百卷

右唐杜佑撰先是劉秩采經史自黃帝迄唐天寶末制度沿革廢置論議得失倣周禮六官法為政典三十五篇房琯稱才過劉向佑以為未盡因廣之參以新禮為二百篇以食貨選舉職官禮樂刑法州郡邊防八門分類敘載世稱該洽凡三十六年成書德宗時上之

記室新書三十卷

右唐李途撰采摭故事綴為偶麗之句分四百門途中和中為東川掌記因以名其書云

古鏡記一卷

右未詳撰人纂古鏡故事

戚苑英華十卷

右唐袁悅重修本楊名所著悅掇其要類爲語對以他說附益之

三教珠英三卷

右唐張昌宗等撰按唐志一千三百卷今所存者止此備舉文言二十卷

右唐陸贄撰總四百五十餘門議者謂大類六帖而文

讀書志卷十四

七

辭過焉崇文總目中有之

童子洽聞記三卷

右不題撰人分二十門雜記經史名數或題童子洽聞記云唐許塾撰

古城冢記二卷

右唐皇甫鑒撰記古城所築之人姓名初不及冢而名曰城冢記未知其說

小名錄三卷

右唐陸龜蒙撰龜蒙以末世有官名小名之別自秦至

隋編而紀之至於神仙玉女之名婦人臧獲之字亦無棄焉龜蒙世稱其博然此書特雜取於史傳間爾無異聞也

備忘小鈔十卷

右偽蜀文谷撰雜鈔子史一千餘事以備遺忘其後題

廣政三年廣政王衍案通考有年字號也

唐會要一百卷

右皇朝王溥撰初唐蘇冕敘高祖至德宗九朝沿革損

益之制大中七年詔崔鉉等撰次德宗以來事至宣宗

讀書志卷十四

大中七年以續冕書溥又采宣宗以後事共成百卷建

隆二年正月奏御文簡事備案通考作詞簡禮備太祖

覽而嘉之詔藏於史閣賜物有差

五代會要三十卷

右皇朝王溥等撰采梁至周典故纂次成秩覆案瞿鈔本通考無

此二字建隆初上之

三朝國朝會要一百五十卷

右皇朝章得象天聖中被詔以國朝故事因革制度編

次宋綬馮元李淑王舉正王洙同修得象監總慶厯四

年書成上之

六朝國朝會要三百卷

右神宗朝以會要止於慶厯命王珪續之起於建隆之元迄於熙寧十年通舊增損成是書總二十一類八百五十五

案通考作八

門其間禮樂政令之大綱儀物事爲之細目有關討論顧無不載文簡事詳一代之典備矣

節國朝會要十二卷

右皇朝范師道以章得象書繁多節其要以備檢閱

太平總類一千卷

讀書志卷十四

九

右皇朝李昉等撰太平興國中昉被詔輯經史故事分門春明退朝錄云書成帝日覽三卷一年而讀周賜名太平御覽

冊府元龜一千卷

右皇朝景德二年詔王欽若楊億修君臣事迹惟取六經子史不錄小說雜書至祥符六年書成上之凡三十部有總序千一百四門有小序同修者十五人錢惟

演杜鎬刁衍李維戚綸王希哲陳彭年姜輿宋貽序

案通

考脫序字陳越案通考作陳從易劉筠查道王曙夏竦初撰

篇序諸儒皆作帝以體制不一遂擇李維錢惟演陳彭年劉筠夏竦等付楊億竄定賜今名為序冠其首其音釋又命孫奭為之

類要六十五卷

右皇朝劉

案通考無此字當誤衍

晏殊纂分門輯經史子集事實

以備修文之用

書林韻海一百卷

右不題撰人分門依韻纂經史雜事以備尋閱或云皇

朝許冠所編

讀書志卷十四

二

異號錄二十卷

右皇朝馬永易明叟編古今殊異名號如銅馬帝無愁天子之類頃嘗見近世人增廣其書名曰賓寶錄亦殊該博

禁殺錄一卷

右皇朝李象先纂元祐中象先集錄古今冥報事以為

殺戒

文房四寶五卷

案袁本書錄解題通考作四譜。覆案通考作四寶

右皇朝蘇易簡撰集古今筆硯紙墨本原故實繼以賦

頌述作有徐鉉序

錢譜十卷

右梁顧烜嘗撰錢譜一卷唐張台亦有錢錄二卷皇朝
紹聖間李孝美以兩人所纂舛錯增廣成十卷分八品
云

貨錢錄一卷

案袁本通
考錢作泉

右皇朝陶岳撰記五代諸侯擅改錢幣之由幽州嶺南
福建湖南江南五國

續錢譜十卷

讀書志卷十四

廿一

右皇朝董道撰道之祖嘗得古錢百令道考次其文譜
之以前世帝王世次爲序且言梁顧烜唐封演之譜漫
汗蔽固不可用其譜自太昊葛天氏至堯舜夏商皆有
錢幣其穿鑿誕妄至此

墨譜一卷

右皇朝黃秉撰

案通考作董秉
袁鈔本作黃秉

熙寧間人秉患世人徒

知祖李之名而不知形模之異同製作之精拙故作圖
以著其源流用補蘇易簡之闕文云

硯譜二卷

右皇朝唐詢撰記硯之故事及其優劣以紅絲石爲第一端石次之

古鼎記一卷

右唐吳協撰記古人鑄鼎本源及其形製

香譜一卷

右皇朝洪芻駒父撰集古今香法有鄭康成漢宮香南

史小宗香真誥嬰香戚夫人迎駕香

案袁本通考作迫駕

唐員半

千香所記甚該博然通典載歷代祀天用沈水香獨遺之何哉

讀書志卷十四

三

印格一卷

右皇朝晁克一撰克一張文潛甥也文潛嘗爲之序其畧曰克一既好古印章其父補之愛之尤篤悉錄古今印璽之法謂之圖書譜自秦以來變制異狀皆能言其故余頗愛其用心不移致精於末務使有傳焉

侍女小名錄一卷

案原本瞿鈔本通考俱脫錄字今據盧氏拾補增

右皇朝王銍纂序云大觀中居汝陰與洪炎玉父遊讀陸魯望小名錄戲徵古今女侍名字因盡發所藏書纂集踰月而成焉凡稗官小說所記采之且盡獨是正史

所載返多脫畧子弟之學其弊如此

蒙求三卷

右唐李瀚撰纂經傳善惡事實類者兩兩相比爲韻語取蒙卦童蒙求我之義名其書蓋以教學童云

魯史分門屬類賦三卷

右皇朝楊筠撰以左氏事類分十門各爲律賦一篇乾隆四年奏御詔褒之

左氏蒙求三卷

右皇朝王舜俞序不知何人所作較之綱領似爲差勝

讀書志卷十四

廿三

焉案較之云云瞿鈔本袁本通考作過於綱領者

左氏綱領四卷

右皇朝文濟道撰排比事實爲麗句蒙求之類也

仙苑編珠二卷

右唐王松年撰取阮倉劉向葛洪所傳神仙又取傳記中梁以後神仙百二十八人比事屬辭效蒙求體爲是書

國史對韻十二卷

右皇朝范鎮撰吳仲庶嘗稱景仁憫諸後學雖涉書傳

而問之今代典故則懵然不知乃自太祖開基迄於仁宗朝據取事實可爲規矩鑒戒者用韻編次之卽此書也

孝悌類鑒七卷

右皇朝俞觀能撰取經史孝悌事成四言韻語

兩漢蒙求五卷唐史屬辭五卷南北史蒙求十卷

右未詳撰人皆效李瀚也

書敘指南二十卷

右皇朝任浚撰

案通考此下有崇寧中人四字

纂集古今文章碎語分

讀書志卷十四

苗

門編次之凡二百餘類

押韻五卷

右皇朝張孟撰輯六藝諸子三史句語依韻編入以備

舉子試詩賦之用

歌詩押韻五卷

右皇朝楊咨編古今詩人警句附於韻之下以備押強

韻

昭德先生郡齋讀書志卷第十四終

讀書志卷十四

廿五

昭德先生郡齋讀書志卷第十四終

昭德先生郡齋讀書志卷第十五

門人姚應續編

雜藝術類

古畫品錄一卷

右南齊謝赫撰言畫有六法分四品夫秋之弈延壽之畫伯樂之相馬甯戚之飯牛以至於曹丕之彈碁袁彥之擣菹皆足以擅名天下昔齊侯禮九九而仲尼賢博奕良有以哉或曰藝成而下奈何曰經著大射投壺之禮蓋正己養心之道存焉顧用之何如耳安可直謂之藝而一切廢之故予取射訣畫評弈經算術博戲投壺相牛馬等書同次之爲一類

續畫記一卷

右唐李嗣真撰補謝赫之闕

案通考末有又有古今畫人名一卷九字

後畫錄一卷

右唐僧彥宗撰品長安名畫凡二十七人

名畫獵精六卷

右唐張彥遠纂彥遠字愛賓記歷代畫工名姓自史皇以降至唐朝及論畫法并裝背褫軸之式鑒別閱玩之

方

五代名畫補遺一卷

覆案通考作拾遺

右皇朝劉道成纂符嘉應撰序云胡矯案通考作嶠嘗有梁

朝名畫目案通考作錄因廣之故曰補遺

名畫見聞志六卷

右皇朝郭若虛撰若虛以張愛賓之畫記絕筆永昌元

年因續之歷五代止覆案瞿鈔本至通考止國朝熙寧七年分敘

論紀藝云故事近事四門

書畫史二卷

讀書志卷十五

二

右皇朝米芾元章撰輯本朝公卿士庶家藏法書名畫

論其優劣真偽

聖朝名畫評三卷

右皇朝劉道成纂符嘉應撰集本朝畫工之名世者第

其品以王瓘為神品云在吳生上

益州名畫錄三卷

右皇朝黃休復纂唐乾符初至宋乾德歲休復在蜀中目

擊圖畫之精者五十八人品以四格云

射評要畧一卷

右題曰李廣撰凡十五篇

巖悟射訣一卷

右唐王思永撰思永射學於成都工曹巖悟因取悟法

著書十篇故每篇首必稱師曰覆案瞿鈔本射學作射

本通考無因取悟法四字著作成無故字

益津射格一卷

右皇朝錢師益序以五善圖及武陵格疎密不同參酌

爲之

投壺經一卷

讀書志卷十五

三

右唐上官儀奉勅刪定史元道續注采周顒郝同梁簡文數家書爲之唐志有其目

木射圖一卷

右唐陸乘案袁本作秉撰爲十五筍以代侯擊地球以觸之

筍飾以朱墨字以貴賤之朱者仁義禮智信温良恭儉

讓墨者慢傲佞貪濫仁者勝濫者負而行一賞罰焉

温公投壺新格一卷

右皇朝司馬光君實撰舊有投壺格君實惡其多取奇中者以爲僥倖因盡改之

九章算經九卷

右未詳撰人姓名或曰周公九章者一方田二算粟三
衰分四少廣五商功六均輸七盈不足八方程九勾股
魏劉徽唐李淳風嘗為之注則此術起於漢之前矣
求一算經一卷

右未詳撰人

六問算法五卷

右皇朝龍受益撰

崇通考皇朝作唐

并化零歌附

應用算三卷

案書錄解題通考俱作應用算法一卷瞿鈔本與此同

讀書志卷十五

四

右皇朝蔣舜元撰

象碁一卷

紫盧氏拾補碁下有經字瞿鈔本通考無通考標目卷下有又碁勢二卷五字

右皇朝尹洙撰凡五圖今世所行者不與焉

溫公七國象碁一卷

右皇朝司馬光君實撰周秦韓魏趙楚齊燕實八國而
云七者周室不與焉

擣菹經一卷擣菹格一卷

右不題撰人序云擣菹古之戲也劉毅李安民慕容寶
之徒皆擣盧不聞餘采今以盧梟為上雉擯次之

釣鰲圖一卷

右不題撰人凡四十類各有一詩

采珠局一卷

右不題撰人序云王公而不知其名凡三十餘類亦各有一詩

彈碁經一卷

右未詳撰人序稱世說曰魏武帝好彈碁宮中皆效之難得其局以粧奩之蓋形狀相類就蓋而彈之俗中因謂魏宮粧奩之戲案西京雜記云劉向作彈碁典論云

讀書志卷十五

五

前代馬合卿張公子皆工

案通考善

彈碁然則起於漢朝非

自魏始世說誤矣

捉卧甕人事數一卷

右皇朝李庭中撰以畢卓嵇康劉伶阮孚山簡阮籍夷

案通考作儀

狄顏回屈原陶潛孔融陶侃張瀚

案通考作翰

李白

白樂天為目有趙昌言序

雙陸格一卷

右不題撰人其法左右十二梁設二朋朋各十五子一白一黑用明瓊二各以其采由右歸左子單則他子得

擊兩子

案瞿鈔本通考兩子下有以上二字無則曰成梁四字

則曰成梁他子雖

也
相當不得擊故武后夢雙六不勝狄仁傑所以云無子

葉子戲格一卷

覆案通考作格戲

右不著撰人世傳葉子婦人名也

覆案通考無名字

撰此戲晚

唐之時也

覆案通考無也字

三國圖格一卷金龍戲格一卷打馬格一卷旋棊

格一卷

右不題撰人

讀書志卷十五

六

漢官儀采選一卷

右皇朝劉敞撰刪取西漢之官而附其列傳黜陟可戲
笑者雜編之以為博奕之一物

忘憂集三卷

右皇朝劉仲甫編載唐韋延祐棊訣并古今棊圖

相鶴經一卷

右題曰浮丘公撰其傳云浮丘公授於王子晉後崔文
子學道於子晉得其文藏於嵩山之石室淮南公采藥
得之乃傳於世

相馬經二卷

右伯樂撰

相馬經一卷

右未詳撰人述相馬法式并著馬之疾狀及治療之術
李氏書目有之

黃帝醫相馬經三卷

右唐穆彛集伯樂王良等六家書成此編皇帝斥神農
也

育駿方三卷

讀書志卷十五

七

右未詳撰人相馬術及醫治畜牧之方

相牛經一卷

右題曰甯戚傳之百里奚漢世河西薛公得其書以相
牛千百不失其一至魏世高堂生又傳晉宣帝其後祕
之細字薛公注也

醫書類

黃帝素問二十四卷

右昔人謂素問者以素書黃帝之間猶言素書也唐王
冰注冰謂漢藝文志有黃帝內經十八卷素問卽其經

之九卷兼靈樞九卷迺其數焉先是第七八卷時始
獲乃詮次注釋凡八十一篇分二十四卷今又八刺法
本論二篇砭自號啟元子醫經傳於世者多矣原百病
之起瘡者本乎黃帝辨百藥之味性者本乎神農湯液
則稱伊尹三人皆案瞿鈔本通考有古字聖人也憫世疾苦親著

書以垂後而世之君子不察乃以爲賤技恥於案瞿鈔本通考

無於字習之由此故今稱醫者多庸人治之常失理可生

而死者案瞿鈔本通考無常字可生而甚眾激者至云

有病不治猶得中醫案瞿鈔本通考猶作常豈其然乎故予錄醫

頗詳隋志以此書爲首今從之

靈樞經九卷

右王砭謂此書卽漢志黃帝內經十八卷之九也或謂
好事者於皇甫謐所集內經倉公論中鈔出之名爲古
書也未知孰是

呂楊注八十一難經五卷

右秦越人撰吳呂廣注唐楊元操演越人生於渤海案

鈔本通考渤海上海上無家於盧受桑君祕術洞明醫道世

以其與黃帝時扁鵲相類乃號之爲扁鵲采黃帝內經

精要之說凡八十一章以其理趣深遠非易了故名難經元操編次爲十三類

丁德用注難經五卷

右皇朝丁德用注以楊元操所演甚失大義因改正之經文隱奧者繪爲圖德用濟陽人嘉祐末其書始成

虞庶注難經五卷

覆紫瞿鈔本庶作世後同恐誤通考庶

右皇朝虞庶注庶仁壽人寓居漢嘉少爲儒已而棄其業習醫術爲此書以補呂楊所未盡黎泰辰案瞿鈔本通考有治

平間三字爲之序

讀書志卷十五

九

金匱玉函經八卷

右漢張仲景撰晉王叔和集設答問雜病形證脉理參以療治之方仁宗朝王洙得於館中用之甚效合二百六十二方

仲景傷寒論十卷

右漢張仲景述晉王叔和撰次按名醫錄云仲景南陽人名機仲景其字也舉孝廉官至長沙太守有案瞿鈔本通考

作以宗族二百餘口建安紀年以來未及十稔死者三之二而傷寒居其七乃著論二十二篇證外合三百九十

七法一百一十二方善醫者或云仲景著傷寒論誠不刊之典然有大人之病而無嬰孺之患有北方之藥而無南方之治此其所闕者蓋陳蔡以南不可用柴胡白虎二湯治傷寒其言極有理

脉經三卷

右題云黃帝撰論診脉之要凡二十一篇

王叔和脉經十卷

右晉王叔和撰按唐甘宗伯

案瞿鈔本通考作伯宗

名醫傳曰叔

和西晉高平人性度沈靜博通經方精意診處尤好著

讀書志卷十五

十

述其書纂岐伯華佗等論脉要訣所成敘陰陽表裏辨三部九候分人迎氣口神門條十二經二十四氣奇經八脉五藏六府三焦四時之疴纖悉具備誠案瞿鈔本作咸可按用凡九十七篇皇朝林億等校正

脉訣一卷

右題曰王叔和撰皆歌訣鄙淺之言後人依託者然最行於世

巢氏病源候論五卷

右隋巢元方等撰元方大業中被命與諸醫共論眾病

所起之源皇朝舊制監局用此書課試醫生昭陵時詔

校正刊刻

案通考作校本刻牘

頒行宋綬爲序

雷公炮炙三卷

右宋雷斅撰胡洽重定述百藥性味炮熬煮炙之方其論多本之於乾寧晏先生斅稱內究守國安正公當是官名未詳

天元玉策二十卷

右啟元子撰卽唐王晷也書推五運六氣之變唐人物志云晷仕至太僕今年八十餘以壽終

讀書志卷十五

十一

金寶鑑三卷

右衛嵩撰嵩仕至翰林博士崇文總目云不詳何代人述脉候徵驗要妙之理

寶藏暢微論三卷

右五代軒轅述撰青霞君作寶藏論三篇著變煉金石之訣旣詳其未善復案瞿鈔本通考作因刊其謬誤增其闕漏以

成是書故曰暢微時年九十寶乾亨二年也

聖濟經十卷

右徽宗皇帝御製內經

案瞿鈔本內經上有黃帝二字通考作因黃帝

采天人

之蹟原性命之理明營衛之清濁究七八之盛衰辨逆順之盈虛爲書十篇凡四十二章

通元子傷寒訣一卷

案袁本通考作通真瞿鈔本與此同

右題曰通元

案瞿鈔本通考有子字

而不著名氏用張長沙傷寒

論爲歌詩以便覽者脉訣之類也

傷寒百問三卷

右題曰無求子大觀初所著書

運氣論奧三卷

右皇朝劉溫舒撰溫舒以素問運氣

案瞿鈔本袁本通考作氣運

最

讀書志卷十五

十三

爲治病之要而荅問紛揉文辭古奧讀者難知因爲三

十論二十七圖上於朝

案二十七通考同袁本作七十二

脉粹一卷

右皇朝蕭世基撰世基嘗閱素問及歷代醫經患其難知因綴輯成一編治平中姚誼序之

南陽活人書二十卷

右皇朝朱肱撰序謂張長沙傷寒論其言奧雅非精於經絡不能曉會頃因投閒設其對問補苴綴輯僅成卷軸作於己巳成於戊子計九萬一千三百六十六

案瞿鈔本

通考
作八字

存真圖一卷

右皇朝楊介編崇寧間泗州刑賊於市郡守李夷行遣
醫家併畫工往親決膜摘膏齒曲折圖之盡得纖悉介
按以古書無少異者比歐希範五藏圖過之遠矣實有
益醫家也王莽時捕得翟義黨王孫慶使太醫尚方與
巧屠共剝剝之量度五藏以竹筵導其脉知所終始云
可以治病是亦此意

補注神農本草二十卷

讀書志卷十五

十三

右皇朝掌禹錫等補注舊說本草經神農所作而藝文
志所不載平帝紀詔天下舉知方術本草者本草之名
蓋起於此梁之錄載神農本草三卷書中有後漢郡縣
名蓋上世未著文字師學相傳至張機華佗始爲編述
嘉祐初詔禹錫與林億蘇頌張洞等爲之補注以開寶
本草及諸家參校采拾遺逸刊定新舊合得藥案瞿鈔
本通考
作藥合
無得字 一千八十二種總二十卷

圖經本草二十卷目錄一卷

右皇朝蘇頌等撰先是詔掌禹錫林億等六人重校神

農本草累年成書奏御又詔郡縣圖上所產藥本用水
微故事重命編述於是頌再與禹錫等裒集眾說類聚
詮次各有條目云嘉祐六年上

證類本草三十二卷

右皇朝唐慎微纂合兩本草爲一書且集書傳所記單
方附之於本條之下殊爲詳博

本草廣義二十卷

右皇朝寇宗奭編以本草二部著撰之人或執用己私
失於商確并考諸家之說參之事實覈其情理證其脫

誤以成此書

讀書志卷十五

十四

子午經一卷

右題云扁鵲撰論鍼砭之要成歌訣

案瞿鈔本袁本
通考作歌訣蓋

後人依託者

銅人針灸圖三卷

右皇朝王惟德撰仁宗嘗詔惟德考次針灸之法鑄銅
人爲式分府藏十二經旁注俞穴所會刻題其名并爲
圖法并主療之術刻板傳於世夏竦爲序

明堂針灸圖三卷

右題云黃帝論人身俞穴及灼灸禁忌明堂者謂雷公問道黃帝授之故名云

案明堂以下袁本脫去瞿鈔本通考俱誤置上銅人針灸圖條

竦爲序下末三字原本瞿鈔本脫

點烙三十六黃經一卷

右不著撰人唐世書也國史補云自若飲行於世世人不復病黃痺

千金方三十卷

右唐孫思邈撰思邈博通經傳洞明醫術著用藥之方診脉之訣針灸之穴禁架之法以至導引養生之要無不周悉後世或能窺其一二未有不爲名醫者然議者頗恨其獨不及傷寒之數云

千金翼方三十卷

右唐孫思邈撰思邈著千金方復掇集遺軼以羽翼其書成一家之學林億等謂首之以藥錄次之以婦人傷寒小兒養性辟穀退居補益雜病瘡癰色脉針灸而禁經終焉者皆有指意云

外臺祕要方四十卷

右唐王燾撰燾在臺閣二十年久知宏文館得古方書

數千百卷因述諸病證候附以方藥符禁灼灸之法凡一千一百四門天寶中出守房陵及大寧郡故以外臺名其書孫兆以燾謂鍼能殺生人不能起死人取灸而不取針譏其為醫之蔽予獨以其言為然

產寶二卷

右唐昝殷撰殷蜀人大中初白敏中守成都其家有因免乳死者訪問名醫或以殷對敏中迎之殷集備驗方藥三百七十八首以獻其後周頊又作三論附於前

龍樹眼論三卷

讀書志卷十五

六

右佛經龍樹大士者能治眼疾或假其說集治七十二種目病之方

太平聖惠方一百卷

右太宗皇帝在潛邸日多蓄名方異術太平興國中內出親驗者千餘首乃詔醫局各上家傳方書命王懷隱王祐鄭彥陳昭遇校正編類各於篇首著其疾證淳化初書成御製序引

太醫局方三卷

右元豐中詔天下高手醫各以得效祕方進下太醫局

驗試依方製藥鬻之仍模本傳於世

和劑局方十卷

右大觀中詔通醫刊正藥局方書閱歲書成校正七百八字增損七十餘方

沈存中良方十卷

右皇朝沈括存中撰存中博學通醫術類其經驗方成此書用者多驗或以蘇子瞻論醫藥雜說附之

靈苑方二十卷

右皇朝沈括存中編本朝士人如高若訥林億孫奇龐

讀書志卷十五

十七

安常皆以善醫名於世而存中尤喜方書此書所載多可用

王氏博濟方五卷

右皇朝王衮撰衮慶麻間官滑臺因暇日出家藏七十餘方擇其善者爲此書名醫云其方用之無不效如艸還丹治中風太一

案通考作乙

丹治鬼胎尤奇驗

錢氏小兒方八卷

右皇朝錢乙仲陽撰神宗時擢太醫丞於書無所不窺他人靳靳

案瞿鈔本作僅僅通考作勤勤

守古獨乙度越縱舍卒與法

合尤邃本草多識物理辨正闕誤最工療嬰孺病年八
十二而終閭季終案通考作忠方附於後

養生必用方十六卷

右皇朝初虞世撰序謂古人醫經行於世者多矣所以

別著者古方

案通考有分字

劑與今銖兩不侔用者頗難此方

其證易詳其法易用苟尋文爲治雖不習之人亦可無

求於醫也虞世本朝士一旦削髮爲僧在襄陽與十父

遊從甚密

嬰童寶鏡十卷

讀書志卷十五

六

右題曰栖真子不著姓名錄世行應驗方成此書

小兒靈祕方十三卷

右不題撰人辨小兒疾證

案瞿鈔本作雜證

及諸療治之方多

爲歌訣

傷寒證治三卷

右皇朝王寶編實謂百病之急無踰傷寒故畧舉病名

法及世名醫之言爲十三篇總方百四十六首或云頴

川人官至外郎龐安常之高弟也

小兒玉訣一卷

右未詳撰人名氏爲韻語以記小兒疾證治法凡二十

三

孫尚祕寶十卷

案書錄解題引作祕寶方

右皇朝孫尚撰呂惠卿帥邊日尚之子在屬郡因取此書刻板傳於世

楊子護命方五卷通神論十四卷

右皇朝楊退修撰退修以岐伯論五運六氣以治百病後世通之者惟王砾一人而已然猶於變遷行度莫知其始終次序故著此方論云

讀書志卷十五

九

昭德先生郡齋讀書志卷第十五終

昭德先生郡齋讀書志卷第十六

門人姚應續編

神仙類

度人經三卷

右元始天尊說唐志有其目古書也神仙之說其來尚矣劉歆七畧道家之學與神仙各爲錄其後學神仙者稍稍自附於黃老乃云有元始天尊紫瞿鈔本通考有者字生於

太元之先姓謝名靜信常存不滅每天地開闢則以祕道授諸仙謂之開劫度人延康赤明龍漢開皇卽其紀

讀書志卷十六

一

年也授

紫瞿鈔本受覆紫通考授

其道者漸致長生或白日昇天

其學有授籙之法名曰齋有拜章之儀名曰醮又有符

咒以攝治鬼神服餌以蠲除穢濁至於存想之方導引

之訣烹鍊變化之術其類甚衆及葛洪寇謙陶宏景之

徒相望而出其言益熾於世富貴者多惑焉然通人皆

疑之國朝修道藏共六部三百一十一秩而神仙之學

如上所陳者居多與道家絕不類今於其間取自昔書

目所載者錄之又釐而爲二凡其說出於神仙者題曰

老子黃帝亦皆附於此不以名亂實也若夫容成之術

雖收於歆輩者以薦紳先生難言之特削去不錄

大洞真經一卷

右題云高上虛皇君等道書三十七章晉永和中上清紫微元君降授於王夫人是上清高法道藏書六部一曰大洞真部二曰靈寶洞元部三曰太上洞神部四曰太真部五曰太清部六曰正一部李氏道書志四類一曰經誥類二曰傳錄類三曰丹藥類四曰符篆類皆以此書爲之首然唐志不載故以次度人經云

黃庭內景經一卷

讀書志卷十六

二

右題大帝內書藏賜谷陰三十六章皆七言韻語梁丘子叙云扶桑大帝命賜谷神王傳魏夫人一名東華玉篇黃者中央之色庭者四方之中外指事卽天人地中內指事卽肺心脾中故曰黃庭紫通考有內景二字。覆案元刻通考亦無虛氏拾補云內景二字誤在上條說下此指中黃經二卷而言以爲內景當在下條上則原本無內景是已

黃庭外景經三卷

右叙謂老子所作與法帖所載晉王羲之所書本正同而文句頗異其首有老子閒居作七言解說身形及諸神兩句其末有吾言畢矣勿妄陳一句且改淵爲泉改

治爲理疑唐人誕者附益之崇文總目云記天皇氏至帝嚳受道得仙事此本則無之

真誥十卷

右梁陶宏景撰皆真人口授之誥故以爲名記許邁許

謚案通考無許謚二字。覆楊羲諸仙受道之說本七案原本作謚今據袁本改

卷運題一象甄二命授三協昌期四稽神樞五握真輔

六翼真檢七後人析第一第二第四各爲上下

西昇經四卷

右題曰天上案袁本天作太真人尹君紀錄老子將遊西域旣

讀書志卷十六

三

爲關令尹喜說五千言又留祕旨凡三十六章喜述之

爲此經其首稱老君西昇聞道竺乾有古先生是以就

道說者以古先生佛也事見廣洪明集辨惑論

韋注西昇經二卷案通考作章注誤。覆案元刻通考亦作章

右唐道士韋處元分上下經上經三七法天之陽數分

二十一章下經四七法天覆案通考作地之陰數總四十九章

象大行用數云唐志稱處元集解以聞道竺乾爲經道

竺乾以古先生爲老子自謂

同元注西昇經四卷案瞿鈔本舊鈔袁本同通考洞

右唐同元子注其姓名未詳唐志有戴詵注西昇經疑此或詵書也分三十六章謂竺乾古先生非釋迦之號云

徐注西昇經二卷

右徐道邈撰句曲人未詳何代其本以有古先生善入無為作善入泥丸古先生者吾之師也化乎覆案瞿鈔本作胡通

考作乎舊鈔袁本作乎竺乾作吾之身也化胡竺乾云

步虛經一卷

右太極真人傳左仙公其章皆高仙上聖朝元都玉京

讀書志卷十六

四

飛巡虛空之所諷詠故曰步虛

定觀經一卷

右題曰天尊授左元真人述定心慧觀等修案瞿鈔本袁本通考

慧作惠字通故以為名云

內觀經一卷

右老子撰述人胞胚魂魄眾神之名當諦觀身心俾不

染濁穢乃可常存云凡二十有二章

老子化胡經十卷

右魏明帝為之序經言老子歸崑崙化胡次授罽賓後

及天竺按裴松之三國志注言世稱老子西入流沙化胡成佛其說蓋起於此議化胡經八狀附於後唐志

考有云字萬歲通天元年僧惠澄上言乞毀老子化胡經秋

官侍郎劉如璿等議狀證其非偽此是也

太清經一卷

右太清護命靈文金闕上真按付修道之士可以除邪

治病云

天蓬神呪一卷

右未詳撰人邯鄲書目載道書最衆已上八種皆有之

讀書志卷十六

五

登真隱訣二十五卷

右梁陶宏景撰景以為學其訣者當由階而登真文多

隱非訣莫登故以名書凡七篇十七條隋志云

神仙可學論一卷

右唐吳筠撰嵇康謂神仙不可以學致筠意不以為然

故演修習之方以勉學仙之士云

坐忘論一卷

右唐司馬承禎子微撰凡七篇其後有文元公跋謂子

微之所謂坐忘即釋氏之言宴坐也

天隱子一卷

右唐司馬子微爲之序云天隱子不知何許人著書八篇修鍊形氣養和心靈歸根契於伯陽遺照齊乎莊叟殆非人間所能力學者也王古以天隱子卽子微也一本有三宮法附於後

抱朴子內篇二十卷

右晉葛洪撰洪字稚川丹陽句容人元帝時累召不就止羅浮山鍊丹著書推明飛昇之道導養

案原本脫養字據瞿鈔本

通考補

之理黃白之事二十卷名曰內篇十卷名曰外篇

讀書志卷十六

六

自號抱朴子因以命書

雲笈七籤一百二十卷

右皇朝張君房等纂君房祥符中謫官寧海時聖祖降朝廷盡以祕閣道書付杭州俾戚綸陳堯佐

覆案通考作臣舊鈔

袁本佐

校正綸等同王欽若薦君房專其事君房詮次得

四千五百六十五卷於是掇其蘊奧總萬餘條成是書

仁宗時上之

羣仙會真記五卷

右唐施肩吾集鍊養形氣補毓精神成內丹之法凡二

十五篇

彭曉注參同契三卷

右漢魏伯陽撰按神仙傳伯陽會稽上虞人通貫詩律文辭瞻博修真養志約周易作此書凡九十篇徐氏箋注桓帝時以授同郡淳于叔通因行於世彭曉爲之解隋唐書皆不載按唐陸德明解易字云虞翻注參同契言字從日下月今此書有日月爲易之文其爲古書明矣

張隨注參同契三卷

讀書志卷十六

七

右皇朝張隨皇祐中居青城山注魏伯陽之書列十數圖於其後

參同契太易圖一卷

右不題撰人論周天火候有太易太初太始太素太極四象五行等二十四篇并圖按崇文總目云張處撰而李獻臣以爲天老神君撰雲常子張處序亦名至藥丹訣未知孰是

混元內外鑒二卷延壽經一卷

右混元謂老子也亦導引之術內篇八外篇三其延壽

經一卷附後

玉皇聖胎神用訣一卷

右玉皇訣之

案通考作云。覆案瞿鈔本舊鈔袁本之

野人郎肇注

太上說魂魄經二卷

右題曰老子撰載三魂七魄名字形狀好惡以呪術存制之崇文題曰太上靈書李氏亦有其目

無上祕要九十五卷

右題曰元始天尊說藝文志止七十二卷不知何時析出二十三通也

讀書志卷十六

八

葛仙翁胎息術一卷

右仙翁葛洪也

太清服氣口訣一卷太起經一卷閉氣法一卷太
上指南歌一卷

右四書皆題曰老子撰服氣訣也

食氣經一卷

右太皇太子撰未詳李邕鄴云似雜集之書

導引養生圖一卷

右梁陶宏景撰分三十六勢如鴻鶴徘徊鴛鴦戩羽之

類案瞿鈔本通考作鴛鴦誤各繪像於其上田偉家本少八勢

天真皇人九仙經一卷

右天真皇人為皇案袁本作黃。覆案元刻通考亦作黃帝說一行羅公遠

葉法靜注論水火龍虎造金丹之術崇文書也按九仙

興廢記云此經黃帝留峨眉山西壁漢武帝時得之大

中嘗禁斷覆案元刻通考作絕

陰符內丹經一卷

右題曰老子說

日月元樞論一卷

讀書志卷十六

九

右唐劉知古撰明皇朝為綿州昌明令時詔求通丹藥

之士知古謂神仙大藥無出參同契因著論上於朝

大還丹契祕圖一卷

右草衣洞真子元撰凡十二章案袁本作三十三章瞿鈔本通考與此同。覆案

舊鈔袁本亦作十二章大還丹者乃日月精氣之所致也論火候

則以朔望為據記藥物則以鉛汞為名云

紫陽金碧經二卷

右皇元真人撰廣成子述河上公修為六十四章上明

合和習真之法中有調神理氣之方下有還丹九鼎上

昇之術崇文目有三卷今逸其一

金碧潛通一卷

右題長白山人元陽子解未詳何代人不知其撰人姓名按邯鄲書目云羊參徵集其序言本得之石函皆科斗文字世有三十六字訣七曜五行八卦九宮論還丹之事其辭多隱人莫之識劉真人演仰觀上象以定節度今之所作多不成者蓋不得口訣故也吾恐墜匿聖文故著上經託號金碧潛通金者剛柔得位火不能灼服之則仙遊碧落云疑卽參微所撰也道藏止收一卷

讀書志卷十六

十

還丹歌一卷

右元陽子撰次序雜亂非完書也六旨解參同契李氏書目云海客李元光遇元壽先生於中岳授此未詳元光何代人

龍虎通元要訣一卷

右蘇元朗撰以古訣龍虎經參同契秘金碧潛通訣其文繁而隱故纂其要爲是書李邯鄲家本題云青霞子隋開皇時人不出名氏豈元朗之號耶

胎息祕訣一卷

右唐僧遵化撰論達磨胎息總十八篇歌二十三首凡一千四百四十言天祐丁酉

紫瞿鈔本
通考作丑書成

易成子大丹訣一卷

右彭仲堪撰不知何代人字舜元天台遇一異僧授此術論火候

青牛道士歌一卷

右題曰青牛道士未詳

八段錦一卷

右不題撰人吐故納新之訣也

讀書志卷十六

十一

高象先歌一卷

右高先撰象先其字也未詳何代人論參同契

金丹訣一卷

右皇朝張瑾撰治平中授丹訣於榮中立後因叙其事以教後學自此以下皆非古今書目所載以其世多傳者不可不收也至於北斗經之類以為永壽元年老子所說尤鄙淺可笑雖行於世亦削去

覆案通考無自
此云云至末

真一子還丹金鑰一卷太清火式

覆案通考作
大或恐誤經

一卷九天元路祕論一卷靈源銘一卷太清爐鼎

斤兩訣一卷

右五書不著撰人論龍虎鉛汞火候之術

玉芝書三卷

右皇朝陳舉撰舉字子堙蘇州人

授道志一卷

右皇朝楊谷真宗朝嘗遇神仙於成都藥市自授其道
本李氏書目亦載云谷自號純粹子

通元祕要悟真篇一卷

右皇朝張用成撰用成字平叔天台人熙寧中隨陸師

讀書志卷十六

十三

闕入蜀授道於隱者因成律詩八十一首

養生丹訣一卷

右皇朝皇甫士安撰士安岷山道士也

歸正議九卷

右皇朝林靈素撰駁佛書中非

覆案瞿鈔本
排通考非

道家者

釋書類

四十二章經一卷

右天竺釋迦牟尼佛所說也釋迦者華言能仁以周昭
王二十四年甲寅四月八日生十九學道三十學成處

世演道者四十九年而終蓋年七十九也沒後弟子大迦葉與阿難纂掇其平生之言成書自漢以上中國未傳或云雖傳而泯絕於秦火張騫使西域已聞有浮屠之教及明帝感傳毅之對遣蔡愔秦景使天竺求之得此經以歸中國之有佛書自此始故其文不類他經云佛書自愔景以來至梁武帝華林之集入中國者五千四百卷曰經曰論曰律謂之三藏傳於世盛矣其徒又或摘出別行爲之注釋疏鈔至不可選紀而通謂之律學厥後達磨西來以三藏皆筌蹄不得佛意故直指人心俾之見性衆尊之爲祖學之者布於天下雖曰不假文字而弟子錄其善言往往成書由是禪學興焉觀今世佛書三藏之外凡覆案元刻通考凡作不講說之類律學也凡問答之類禪學也藏經猥衆且所至有之不錄今取其餘者列於篇此經雖在藏中然以其見於經籍志故特取焉

華嚴經合論一百二十卷

右按纂靈記云華嚴大經龍宮有三本佛滅度後六百年有龍樹菩薩入龍宮誦下本十萬偈四十八品流傳

天竺晉有沙門支法領得下本分三萬六千偈至此土
義熙十四年譯成六十卷唐證聖元年于闐沙門喜學
再譯舊文兼補諸闕通舊總四萬五千頌成八十卷三
十九品合論者唐李通元所撰通元太原人宗室子也
當武后時隱居不仕舊學佛者皆曰佛說此經時居七
處九會獨通元以爲十處十會云

華嚴經清涼疏一百五十卷

右唐僧澄觀撰澄觀居清涼山號清涼國師卽韓愈贈
之詩者文元公有言曰明法身之體者莫辯於楞嚴明

讀書志卷十六

十六

法身之用者莫辯於華嚴學佛者以爲不刊之論云

華嚴決疑論四卷

右唐李通元撰通元旣爲華嚴合論又著此書皇朝張
商英使河東得之壽陽縣東浮屠廢書中

華嚴經畧一卷

右唐僧澄觀撰澄觀旣疏華嚴又撮其大意爲此凡四
十二章

法界觀一卷

右唐僧杜順撰華嚴最後品法名曰法界叙善財參五

十三位善知識經文廣博罕能通其說杜順乃著是書
宗密注之裴休爲之序

華嚴起信文一卷

右唐僧善攷撰攷潭州太平寺僧也每品一章撮其大
指凡三十九章

華嚴經一百門義海二卷

右唐僧法藏撰藏長安崇福寺僧也分十章

華嚴與旨一卷

右唐僧法藏撰又曰妄盡還源觀凡六門

讀書志卷十六

十五

法界摭要記四卷

右皇朝僧遵式述其序云元豐初覽清涼元鏡圭峯注
取其合者錄之

法界披雲集一卷

右皇朝僧道通述

柔原本通考作道通
今據瞿鈔本袁本改

杜順纂華嚴經

義撰法界觀道通又分十元門

華嚴吞海集一卷

右皇朝僧道通述

崇瞿鈔本亦作道通
袁本通考與此同

華嚴經七處九

會三十九品五萬四千偈其文浩博澄觀爲之疏尤難

觀覽道通約之成萬三千言以便初學

注維摩詰所說經十卷

右天竺維摩詰撰西域謂淨名曰維摩詰廣嚴城處士也佛聞其病使十弟子四菩薩往問訊皆以不勝任固辭最後遣文殊行因共談妙道遂成此經其大旨明真俗不二而已淨名演法要者居世出世也不以十弟子四菩薩為知法者斥其有淨穢之別也文殊大智法身之體也淨名處俗法身之用也俾體用相酬對皆真俗不二之喻也姚秦僧鳩摩羅什譯按開元釋教錄云羅什者華言童壽天竺人也苻堅遣呂光破西域俘之以歸姚興迎致長安譯經於逍遙園凡四十部此其一也本三卷十四品其後什之徒僧肇道生道融等為之注釐為十卷予得之董太虛家蓋襄陽木本也

案通考無木字唐

李繁頗言此注後人依託者

法華言句二十卷

右唐僧智顓撰智顓居天台山號天台教五代兵亂其書止錢俶聞高麗有本因賈人厚賂求得之

案瞿鈔本袁本通考

作厚賂因賈人至今盛行於江浙

金剛經會解一卷

覆案通考作金剛般若經

右後秦僧鳩摩羅什譯唐僧宗密僧知恩皇朝僧元仁

案通考作思元仁表本無僧字

賈昌朝王安石五家注予弟公愬日誦

三過予靳之曰汝亦頗知其義乎對曰知之其義明萬物皆空故古人謂以空爲宗也予曰金剛者堅固不壞之義也萬物之空何以謂之金剛復曰六如偈其言明甚獨奈何因語之曰汝之過正在以有爲法同無爲法以真空同頑空耳張湛曰身與萬物同有其有不有心與太虛同無其無不無度幾知此哉

讀書志卷十六

七

禪宗金剛經解一卷

右皇朝安保衡采摭禪宗自達磨而下發明是經者參釋之序稱其有言涉修證者北宗法門也舉心卽佛者江西法門也無法無物者本來如是者曹溪法門也

六祖解金剛經一卷

右唐僧惠能注金剛經凡六譯其文大概旣同時小異耳而世多行姚秦鳩摩羅什本

楞伽經四卷

右宋天竺僧求那跋陀羅譯楞伽山名也佛爲大慧演

道於此山元魏僧達磨以付僧慧可曰吾觀中國所有
經教唯楞伽可以印心謂此書也釋延壽謂此經以佛
語心爲宗而李通元則以爲五法三自性八識二無我
爲宗按經說第八業種之識名爲如來藏言其性不二
明僞卽出世也延壽所云者指其理通元所云者指其
事非不同也

圓覺經疏三卷

右唐長壽二年天竺僧覺救譯宗密疏解圓覺之旨佛
爲十二大士說如來本起因地終之以三觀

案通考終
作修誤

讀書志卷十六

十八

楞嚴之旨阿難因遇魔嬈

案通考作
魔障嬈

問學菩提取初方

便終之以二義蓋圓覺自誠而明楞嚴自明而誠雖若
不同而二義三觀不出定慧其歸豈有二哉

六祖解心經一卷

右唐僧慧能解慧能其徒尊之爲六祖

忠國師解心經一卷

右唐僧慧忠肅宗師事之此其所著書也

心經會解一卷

右唐陳留僧元奘譯并注般若者華言智慧波羅蜜多

者華言到彼岸謂智可以濟物入聖域也長安中僧法藏爲之疏元豐中僧法泉亦注之

楞嚴經疏二十卷

右唐神龍二年天竺國僧彼岸於廣州譯房融筆授皇

朝僧子璿撰疏

案通考作于璿

王隨爲之序

覆案通考無此五字

楞嚴標旨十卷

右皇朝僧曉月撰其弟子應乾錄范岫爲之序圓覺經云修多羅教如標指月其名書之意蓋取此

會解楞嚴經十卷

讀書志卷十六

九

右唐僧彌伽釋迦譯語房融筆授皇朝并度集古今十
二家解去取之成書予嘗爲之序

景德傳燈錄三十卷

右皇朝僧道原編其書披奕世祖圖采諸方語錄由七佛以至法眼之嗣凡五十二世一千七百人獻於朝詔楊億李維王曙同加裁定億等潤色其文是正差繆遂盛行於世爲禪學之源夫禪學自達磨入中原世傳一人凡五傳至慧能通謂之祖慧能傳行思懷讓行思之後有良价號洞下宗又有文偃號雲門宗又有文益

號法眼宗懷讓之後有靈祐慧寂號瀍仰宗又有義元
號臨濟宗五宗學徒徧於海內迄今數百年臨濟雲雨
洞下日愈益盛嘗考其世皆出唐末五代兵戈極亂之
際意者亂世聰明賢豪之士無所施其能故憤世嫉邪
長往不返而其名言至行譬猶聯珠疊璧雖山淵之高
深終不能掩覆其光彩而必輝潤於外也故人得而著
之竹帛固有遺軼焉

玉英集十五卷

右皇朝王隨撰先是楊億編次傳燈錄三十卷隨刪去

讀書志卷十六

二

其繁大半上之

天聖廣燈錄三十卷

案原本瞿鈔本無錄
字今據袁本通考補

右皇朝李遵勗編

案原本瞿鈔本脫李字今據袁
本補通考上有駙馬都尉四字斷自

釋迦以降仁宗御製序

分燈集二十五卷

右皇朝井度編蓋續三燈錄也

靖國續燈錄三十卷

覆案通考上
有建中二字

右皇朝僧惟白編惟白靖國初住法雲寺駙馬都尉張
敦禮以其書上於朝徽宗為之序分正宗對機拈古頌

古偈頌五門

禪苑瑤林一百卷

右皇朝井度編取三燈錄所載祖師言行附入諸方闡提語句且是正其差誤云

龐蘊語錄十卷

右唐龐蘊襄陽人與其妻子皆學佛後人錄其言成此

書

雪竇頌古八卷

右皇朝僧道顯撰道顯居雪竇山所謂頌古者猶詩人

讀書志卷十六

廿一

之詠史云

案通考史作古

古塔主語錄三卷

右皇朝僧道古撰范文正喜之嘗親爲疏請說法有白云道行無玷孤風絕攀時以爲非溢美也

碧巖集十卷

右皇朝僧克勤解雪竇頌古名曰碧巖集

肇論四卷

右姚秦僧洪肇撰師羅什規模莊周之言以著此書物不遷不真空涅槃無知般若無名四論傳燈錄云肇後

爲姚興所殺

觀心論一卷

右魏菩提達磨撰

百法論一卷

右唐僧元奘譯西域僧天親所造所謂一切法者其畧有語一心法二心所有法三色法四心不相應行法五無爲法心法八種心所有法五十一種色法十一種心不相應行法二十四種無爲法六種故曰百法

起信論一卷

讀書志卷十六

廿二

右唐僧宗密注僧真諦譯天竺第十二祖馬鳴大士所造也雖云名相蓋明心宗指義元微文辭明緻故盛行於世若肇論百法惟識及此學者皆顯門名家故藏中所收亦錄於此

辨正論八卷

右唐釋法琳撰潁川陳良序云法琳姓陳關中人著此書窮釋老之教源極品藻之名理宣和中以其斥老子語焚毀

案原本瞿鈔本斥作出今據袁本改通考脫去

其第二第四第五第六

第八凡五卷序文亦有翦棄者

破邪論二卷

右唐釋法琳撰辨佛奕所排毀虞世南爲之序

甄正論三卷

右唐釋法琳撰已上三書皆經宣和焚毀藏中多闕故

錄之

輔教編五卷

右皇朝僧契嵩撰滕州人皇祐間以世儒多詆釋氏之道因著此書廣引經籍以證三家一致輔相其教云

元聖蘧廬二卷

讀書志卷十六

廿三

右唐李繁撰繁學於江西僧道一敬宗時嘗與丁公著陸亘入殿中抗佛老講論唐虞愈稱其家多書一覽終身不忘大和中舒元輿誣其濫殺不辜繫獄知且死著書十六篇以明禪理自謂臨死生而不懼賢於顏回在陋巷不改其樂嗚呼可謂賢矣而史載其生平行事甚醜獨何歟

原人論一卷

右唐僧宗密撰斥執迷褊淺直顯真源會通本末凡四篇

宗鏡錄一百卷

右皇朝僧延壽撰延壽姓王氏餘杭人法眼嫡孫也建隆初錢忠懿命居靈隱以釋教東流中夏學者不見大全而天台賢首慈恩案瞿鈔本通考此下有性相二字依下文此當衍三宗又互相矛盾乃立重閣館三宗知法僧更相詰難至詖險處以心宗旨要折衷之因集方等祕經六十部華梵聖賢之語三百家以佐三宗之義成此書學佛者傳誦焉天台者僧智顛也解法華經賢首者僧法藏也述華嚴經慈恩者僧元奘也譯般若經

讀書志卷十六

廿

六祖壇經三卷

右唐僧惠昕撰

案通考作惠眇誤

記僧盧慧能學佛本末慧能

號六祖凡十六門周希復有序

釋氏要覽三卷

右皇朝僧道成集

案袁本成作諫覆案通考成

雜錄釋典旁求書傳

分門編次成二十類天禧三年書成

宏明集十四卷

右梁釋僧祐纂僧祐居鍾山定林寺號祐律師采前代

勝士書記文述有益於釋教者集之成此書

覆案瞿鈔本通考無

此五
字

廣宏明集三十卷

右唐僧道宣撰道宣麟德初居西明寺以中原自周魏
以來重老輕佛因采輯自古文章下逮齊隋發明其道
者以廣僧祐之書分歸正辨惑佛德法義僧行慈惻成
覆案通
考作誠功啟福滅罪統歸等十門

林間錄四卷

右皇朝僧德洪撰記高僧嘉言善行謝逸爲之序然多
寓言如謂杜祁公張安道皆致仕居睢陽之類疎濶殊

讀書志卷十六

廿五

可笑

昭德先生郡齋讀書志卷第十六終

昭德先生郡齋讀書志卷第十七

門人姚應績編

集部其類有三一曰楚辭類二曰別集類三曰總集類

內別集猥多復分爲上中下昔屈原作離騷雖詭譎不

可爲訓

案可爲訓袁本通考作
槩諸聖瞿鈔本脫聖字

而英辨藻思閎麗演迤

發於忠正

案瞿鈔本
忠作中

蔚然爲百代詞章之祖衆士慕嚮

波屬雲委自時厥後綴文者接踵於斯矣然軌轍不同

機杼亦異各名一家之言學者欲矜式焉故別而序之

案袁本通考序作
聚瞿鈔本作叙

命之爲集蓋其原起於東京而極於

讀書志卷十七

一

有唐至七百餘家當晉之時摯虞已患其零雜難觀嘗
自詩賦以下彙分之曰文章流別後世祖述之而爲總
集蕭統所選是也至唐亦且七十五家嗚呼盛矣雖然
賤生於無所用或其傳不能廣值水火兵寇之厄因而
散落者十八九亦有長編鉅軸幸而得存屬目者幾希
此無他凡以其虛詞濫說徒爲美觀而已無益於用故
也今錄漢迄唐附以五代本朝作者其數亦甚衆其間
格言偉論可以扶持世教者爲益固多至於虛詞濫說
如上所陳者知其終當泯泯無聞猶可以自警則其無

用亦有用也是以不加銓擇焉

楚辭類

楚辭十七卷

右後漢校書郎王逸叔師注楚屈原名平爲懷王左徒博聞強志嫻於辭令後同列心害其能而讒之王怒疏平平自傷忠而被謗乃作離騷經以諷不見省納及襄王立又放之江南復作九歌天問九章遠遊卜居漁父大招自沉汨羅以死其後楚宋玉作九辯招魂漢賈誼作惜誓淮南王小山作招隱士東方朔作七諫嚴忌作

讀書志卷十七

二

哀時命王褒作九懷劉向作九歎皆擬其文而哀平之死於忠至漢武時淮南王安始作離騷傳劉向與

案袁本通

考作

典 校經書分爲十六卷東京班固賈逵各作離騷章

句餘十五卷闕而不說至逸自以爲南陽人與原同土

悼傷之復作十六卷章句又續爲九思取班固二序附

之爲十七篇按漢書志屈原賦二十五篇今起離騷經

至大招凡六九章九歌又十八則原賦存者二十四篇

耳并國殤禮魂在九歌之外爲十一則溢而爲二十六

篇不知國殤禮魂何以係九歌之末又不可合十一爲

九然則謂大招爲原辭可疑也夫以招魂爲義恐非自作或曰景差蓋近之其卷後有蔣之翰跋云晁美叔家本也

楚辭釋文一卷

右未詳撰人其篇次不與世行本同蓋以離騷經九辯九歌天問九章遠遊卜居漁父招隱士招魂九懷七諫九歎哀時命惜誓大招九思爲次按今本九章第四九辯第八而王逸九章注云皆解於九辯中知釋文篇次

案瞿鈔本哀本通考作第蓋舊本也後人始以作者先後次第之耳

讀書志卷十七

三

或曰天聖中陳說之所爲也

補注楚辭十七卷考異一卷

右未詳撰人凡王逸章句有未盡者補之自序云以歐陽永叔蘇子瞻晁文元宋景文家本參校之遂爲定本又得姚廷輝本作考異且言辨騷非楚辭本書不當錄

重編楚辭十六卷

右族父吏部公重編獨離騷經仍故爲首篇其後以遠遊九章九歌天問卜居漁父大招九辯招魂惜誓七諫哀時命招隱士九懷九歎

案原本歌瞿鈔本通考同今據袁本改

爲次而

去九思一篇其說曰按八卷屈原遭憂所作故首篇曰離騷經後篇皆曰離騷餘皆曰楚辭今本所第篇或不次序於是遷遠遊九章次離騷經在九歌上以原自叙其意近於離騷經也而九歌天問乃原既放之後攄憤所作者故遷於下卜居漁父自叙之餘意也故又次之大招古奧疑原作非景差詞沈淵不返故以終焉爲楚辭上八卷九辯招魂皆宋玉所作案瞿鈔本袁本通或考俱無所作二字曰九辯原作其聲浮矣惜誓宏深或以爲賈誼作蓋近之東方朔嚴忌皆漢帝案瞿鈔本通考漢帝袁本作漢武帝廷臣淮南小山之詞不當先朔忌王褒漢宣帝時人案袁本通考有後字淮南小山至劉向最後作故其次序如此皆西漢以前文也爲楚辭下八卷王逸東漢人九思視向以前所作相濶矣又十七卷非舊錄故去之又頗刪逸離騷經訓釋淺陋者而錄司馬遷原傳冠其首云

續楚辭二十卷

右族父吏部公編擇後世文賦與楚辭類者編之自宋玉以下至本朝王令凡二十六人案瞿鈔本無王令二字計六十篇各爲小序以冠其首而最喜沈括以爲詞近原蓋深

探其用意疾徐隨其步驟而與之偕案原本瞿鈔本袁本脫隨字今據通
補然亦暇而不迫也

變離騷二十卷

右族父吏部公編公既集續楚辭又擇其餘文賦大意
祖述離騷或一言似之者爲一編其意謂原之作曰離
騷餘皆曰楚辭今楚辭又變而廼始曰變離騷者欲後
世知其出於原也猶服盡而係其姓於祖云所錄自楚
荀卿至本朝王今凡三十八人通九十六首

別集類上

讀書志卷十七

五

蔡邕集十卷

右後漢蔡邕伯喈也陳留郡人

案袁本通考郡作圉。覆案瞿鈔本國是圉之

誤仕至左中郎將後爲王允所害邕博學好辭章術數

天文妙操音律在東觀欲補漢紀自陳十意及付獄乞
黥刑以成書不能得遂死獄中所著文章百四篇今錄
止存九十篇而銘墓居其半或曰碑銘或曰神誥或曰
哀讚其實一也嘗自云爲郭有道碑獨無愧辭則其他
可知矣凡文集其人正史自有傳者止綴論其文學之
辭及畧載鄉里所終爵位或死非其理亦附見餘歷官

與其善惡率不錄若史逸其行事者則雜取他書詳載焉庶後有考

曹植集十卷

右魏曹植子建也太祖子文帝封植為陳王卒年三十一諡曰思年十歲餘誦讀詩論及辭賦數十萬言善屬文援筆立成自少至終篇籍不離於手按魏志景初中撰錄植所著賦頌詩銘雜論凡百餘篇隋志植集三十卷唐志植集二十卷今集十卷比隋唐本有以逸者而詩文二百篇返溢於本傳所載不曉其故

讀書志卷十七

六

王粲集八卷

右後漢王粲仲宣也高平人為魏侍中

案瞿鈔本袁本魏下有國字

粲博學

案瞿鈔本學作而袁本通考作物

多識強記善算

案袁本通考無算字○覆

案瞿鈔本舊鈔袁本有算字

屬文舉筆便成無所改定時人

案瞿鈔本袁本

有常字○覆案通考無

以為宿製正復精意覃思亦不能加著詩

賦論議垂六十篇今集有八十一首按唐藝文志粲集

十卷今以兩卷其詩文返多於史所紀二十餘篇與曹

植集同

阮籍集十卷

右魏阮籍嗣宗也尉氏人籍志氣宏放博覽羣籍尤好
莊老屬文不留思嗜酒能嘯善彈琴當其得意忽忘形
體雖不拘禮數覆案瞿鈔本數
通考袁本作教而發言元遠晉帝輔政
為從事中郎後求為步兵校尉

嵇康集十卷

右魏嵇康叔夜也譙國人康美詞氣有丰儀土木形骸
不自藻飾學不師受覆案袁
本作授博覽該通長好莊老屬文

元遠以魏宗室婚拜中散大夫景元初鍾會譖於晉文
帝遇害

讀書志卷十七

七

張華集三卷

右晉張華茂先也范陽人惠帝時為司空趙王倫孫秀
黨謀害之華學業優博辭藻溫麗圖緯方伎等書莫不
詳覽家有書三十乘天下奇秘悉在博物洽聞世無與
比集有詩一百二十哀詞冊文二十一賦三

陸機集十卷

右晉陸機士衡也抗之子少有異才文章冠世服膺儒
術案服字原本闕瞿鈔本
袁本作伏今據通考補非禮不動吳滅退居舊里閉

門勤學積有十年太康末入洛成都王穎令機率師伐

長沙王又至河橋大敗爲穎所誅初造張華華重其名如舊相識嘗謂之曰人常恨才少而子更患多葛洪著書亦稱歎焉所著文章凡三百餘篇今存詩賦論議箋表碑誄一百七十餘首以晉書文選校正外餘多舛誤

案通考有機仕終平原內史七字

陸雲集十卷

右晉陸雲士龍也吳郡人惠帝時爲中書侍郎會兄機兵敗同遇害雲六歲能屬文性清正有才思

案瞿鈔本袁本通考

作理與機齊名雖文章不及而持論過之所著文章三百

讀書志卷十七

八

四十九篇新書十篇

案通考有雲仕終清河內史七字

陶潛集十卷

右晉陶淵明元亮也一名潛潯陽人蕭統云淵明字元

亮晉書云潛字元亮宋書云潛字淵明或云字深明名

元亮按集

案通考有中字

孟嘉傳與祭妹文皆自稱淵明當從

之晉安帝末起爲州祭酒桓元篡位淵明自解而歸州召主簿不就躬耕自資劉裕舉兵討元誅之爲鎮軍將軍淵明參其軍事未幾改爲建威將軍淵明見裕有異志乃求爲彭澤令去職潛少有高趣好讀書不求甚解

著五柳先生傳以自况世號靖節先生今集有數本七

卷者梁蕭統編以序傳顏延之誄載卷首十卷者北齊

陽案原本作楊據袁本通考改休之編以五孝傳聖賢羣輔錄序傳

誄分三卷益之詩篇次差異按隋經籍志潛集九卷又

云梁有五卷錄一卷唐藝文志潛集五卷今本皆不與

二志同獨吳氏西齋書目有潛集十卷疑即休之本也

休之本出宋庠家云江左名家案瞿鈔本袁本通考無名家二字舊書

其次第最有案原本為瞿鈔本袁本若今據通考改倫貫獨四八目後八

儒三墨二條似後人妄加

讀書志卷十七

九

鮑照集十卷

案原本瞿鈔本脫卷數今據袁本通考補。覆案通考作鮑參軍集十卷

右宋鮑照明遠也上黨人世祖以為中書舍人後臨海

案瞿鈔本袁本海通考川

王子頊鎮荊州以照為參軍子頊敗為亂

兵所殺初孝武好文自謂人莫能及照悟其旨為文多

鄙言累句當時謂照才盡實不然也事見沈約書而李

延壽乃以世祖為文帝集有唐虞炎序云為宋景所害

儻見於他書乎唐人避武后諱改照為昭

謝朓集十卷

右齊謝朓元暉也陽夏人明帝初自中書郎出為東海

太守東昏時爲江祜黨譖害之朧少好學有美名文章清麗善草隸尤長五言詩沈約嘗云二百年來無此詩也文選所錄朧詩僅二十首集中多不載今附入

謝惠連集五卷

右宋謝惠連方明子也元嘉七年爲彭城王法曹行參軍十歲能屬文爲雪賦以高麗見奇族兄靈運每見其詩文曰張華重生不能易也

吳均集三卷

右梁吳均叔庠也史稱均博學多才俊

索瞿鈔本袁本通考才俊上無

讀書志卷十七

十

多字下有體清二字

拔有古氣好事效之謂吳均體有集二十卷

唐世搜求止得十卷今又亡其七矣舊題誤曰吳筠筠乃唐人此詩殊不類而其中有贈周興嗣柳貞陽輩詩固已知其非筠又有蕭子雲贈吳朝請入東詩蓋均在武帝時爲奉朝請則知爲均也無疑矣蕭子雲詩八蕭子顯朱異平筠王僧孺詩各一附顏之推譏均集中有破鏡賦今已亡之

江淹集十卷

右梁江淹文通也濟陽人梁初爲散騎常侍封醴陵侯

少好學不事章句留情於文章晚節才思微退人謂才
盡著述百餘篇自撰爲前後集今集二百四十九篇魏
晉間名人詩文行於世者往往羨於史所載曹植王粲
及淹皆是也豈後人妄益之歟

何遜集二卷

右梁何遜仲言也東海人終水部員外郎遜少能詩州
舉秀才范雲見其文嗟賞曰觀文人質則過孺麗則傷
俗能含清濁古今見之何生矣沈約謂每讀卿詩一日
三復猶不能已與劉孝綽以文章見重於世謂之何劉

讀書志卷十七

十一

王僧孺集其文爲八卷今亡逸不全

庾信集二十卷

右周庾信字子山也南陽人梁元帝時爲散騎常侍聘西
魏遂留長安孝閔時終司憲中大夫信在梁與徐陵文
並綺麗世號徐庾體集有滕王道序

陰鏗集一卷

右陳陰鏗字子堅幼聰慧五歲能誦詩賦日千言及長
博涉史傳尤善五言詩徐陵言之於世祖使賦安樂宮
援筆立成累遷散騎常侍有集三卷隋志已亡其二今

所存者十數詩而已杜少陵嘗贈李太白詩有云李侯有佳句往往似陰鏗今觀斯集白蓋過之遠矣甫之慎許可乃如此

楊雄集三卷

右漢楊雄子雲也古無雄集皇朝譚愈好雄文患其散在諸篇籍離而不屬因綴輯之得四十餘篇

王績東臯子集五卷

右唐王績無功也龍門人隋大業中舉孝悌廉潔授六合丞棄官耕東臯自號東臯子唐書以爲隱逸集有吕才序稱其幼岐嶷年十五謁楊素占對英辨一坐盡傾以爲神仙童子薛道衡見其登龍門憶禹賦歎曰今之庾信也且載其卜筮之驗者數事云

楊炯盈川集二十卷

右唐楊炯也華陰人顯慶六年舉神童授校書郎終葵州盈川令卒炯博學善屬文與王勃盧照隣駱賓王以文詞齊名海內稱王楊盧駱四才子亦曰四傑炯自謂吾愧在盧前恥居王後張說曰盈川文如懸河酌之不竭恥王後信然愧盧前謙也集本三十卷今多亡逸

王勃集二十卷

右唐王勃子安也通之孫麟德初劉祥道薦其才對策
高等授朝散郎沛王召署府修撰以戲爲諸王鬪雞檄
高宗怒斥出府父爲交趾令勃往省溺海卒勃屬文初
不精思先磨墨數升酌飲引被覆面卧及寤援筆成篇
不易一字時人謂之腹藁有劉元濟序

盧照隣幽憂子集十卷

右唐盧照隣昇之也范陽人調新都尉病去官隱具茨
山下手足攣瘵疾久訣親戚自沈潁水照隣自以當高

讀書志卷十七

三

宗時尚吏己獨儒武后尚法己獨黃老后封嵩山聘賢
士己病癆案瞿鈔本通考無病
字袁本作己已癆著五悲文今在集中嘗

自號幽憂子

駱賓王集十卷

右唐駱賓王義烏人也武后時數言事得罪貶臨海丞
不得志棄官去文明中徐敬業亂署府佐爲敬業傳檄
天下斥武后罪后讀之矍然及敗亡命不知所之後宋
之問逢之於靈隱案通考袁本有
寺字瞿鈔本無已祝髮爲浮屠矣賓
王七歲能屬文妙於五言詩中宗詔求其文得百餘篇

命郝雲卿次序之

蘇頲許公集二十卷

右唐蘇頲廷碩也武功人調露二年進士賢良方正異等除左司率府胄曹元宗時中書舍人知制誥開元四年同紫微黃門平章事頲幼敏悟一覽五千言輒覆景龍後與張說俱以文章顯時號燕許李德裕謂近世詔誥惟頲叙事外爲文章韓休爲序集本四十六卷今亡其半矣

陳子昂集十卷

讀書志卷十七

十四

右唐陳子昂伯玉也梓州人文明初舉進士上書召見累擢拾遺新唐書稱子昂聖麻初解官歸養父喪廬墓縣令段簡貪暴脅取其賂不厭逮捕死獄中沈下賢獨云爲武承嗣所殺未知孰是子昂少以豪俠使氣及冠折節爲學精究墳籍耽愛黃老易象尤善屬文唐興文章承徐庾餘風天下祖尚至是始變雅正故雖無風節而唐之名人無不推之柳儀曹曰張說以著述之餘攻此興而莫能極張九齡以此興之暇窮著述而不克備唐興以來稱是選而不忤者子昂一人而已

宋之問考功集十卷

右唐宋之問延清也汾州人武后召與楊炯分直習藝館諂事太平公主爲考功員外郎睿宗初貶欽州賜死自魏建安迄江左詩律屢變至沈約庾信以音韻相婉附屬對精密及之問沈佺期又加靡麗回忌聲病約句準篇如錦繡成文學者宗之號曰沈宋徐堅嘗論之問之文如良金玉無施不可其爲當時所重如此

沈佺期集五卷

右唐沈佺期雲卿也相州人及進士第由協律郎累遷

讀書志卷十七

十五

宏文館直學士嘗侍中宗宴舞回波爲弄辭悅帝還賜牙笏衣紩

杜審言集一卷

右唐杜審言必簡也襄陽人預之後裔擢進士恃高才以傲世嘗對武后賦歡喜詩后歎重其文與李嶠崔融蘇味道爲文章四友集有詩四十餘篇而已

張說集三十卷

右唐張說道濟也洛陽人永昌元年賢良方正策第一累遷鳳閣舍人睿宗時兵部侍郎平章事開元十八年

終左丞相燕國公說爲文精壯長於碑志朝廷大述作
多出其手嘗典集賢圖書之任閒爲天平軍大使及致
仕一歲皆卽軍中於其家論撰國史晚謫岳州詩益悽
惋人謂得江山助

李嶠集一卷

右唐李嶠巨山也贊皇人擢進士第制策下

案瞿鈔本
下袁本通

考
甲科拜

案瞿鈔本袁本
通考無拜字

爲監察御史武后時同鳳閣鸞

臺平章事嶠富才思前與王勃楊炯績

案瞿鈔本袁
本通考作中

與

崔融蘇味道齊名晚諸人沒爲文章宿老學者取法焉

讀書志卷十七

十六

集本六十卷未見今所錄一百二十詠而已或題曰單
題詩有張方注

張九齡曲江集二十卷

右唐張九齡子壽也曲江人長安二年進士調校書郎
以道侔伊呂科策高等爲左拾遺開元中爲中書令卒
謚文獻九齡風度醞藉幼善屬文元宗朝知制誥雅爲
帝知爲相諤諤有大臣節及貶荊州惟文史是娛朝廷
許其勝流徐堅論九齡之文如輕縑素練實濟時用而
窘邊幅柳宗元以九齡兼攻詩文但不能究其極爾集

後有姚子彥所撰行狀呂溫撰真贊鄭宗珍撰謚議徐
浩撰墓碑及贈司徒敕辭

王維集十卷

右唐王維摩詰也太原人開元九年進士終尚書右丞
維幼能屬文工草隸善畫名盛安祿山反嘗陷賊中賊
大宴凝碧池賦詩痛悼詩聞行在後得免死代宗訪維
文章於維弟縉哀集十卷上之李肇譏維漠漠水田飛
白鷺陰陰夏木嘯黃鸝之句以爲竊李嘉祐者今嘉祐
之集無之豈肇之厚誣乎

讀書志卷十七

十七

儲光羲集五卷

右唐儲光羲魯人登開元十四年進士第嘗爲監察御
史後從安祿山僞署賊平貶死

王昌齡詩六卷

右唐王昌齡少伯也江寧人開元十五年進士爲按察

袁榮

本及瞿鈔本
通考作秘

書郎又中宏詞科不謹細行貶龍標尉以

世亂歸鄉里爲刺史閭丘曉所殺昌齡工詩縝密而思
清時謂王江寧云

常建集一卷

右唐常建開元十五年進士歐陽永叔嘗愛竹徑通幽處禪房花木深之句乃建詩也

劉長卿集十卷

案原本瞿鈔本通考脫卷數今據唐藝文志及袁本補宋藝文志作

二十卷

右唐劉長卿字文房開元末中進士第至德中監察御史以檢校祠部員外郎爲轉運使判官知淮西岳鄂轉運留後觀察使吳仲孺誣奏貶潘州南巴縣尉會有爲之辨者除睦州司馬終隨州刺史長卿剛而犯上故兩逢斥廢詩雖窘於才而能鍛鍊權德輿嘗謂爲五言長

讀書志卷十七

六

城今集詩九卷雜文一卷

顏真卿文一卷

右唐顏真卿清臣也萬年人博學工辭章開元二十二年進士又登制科代宗時爲太子太師使李希烈爲希烈所害世謂真卿忤楊國忠李輔國元載楊炎盧杞拒安祿山李希烈廢斥者七八以至於死而不自悔天下一人而已而學問文章往往雜於神仙浮屠之說不皆合於理而所爲乃爾者蓋天性然也

蕭穎士集十卷

右唐蕭穎士茂挺也梁宗室之後舉進士開元二十三年中第爲史館待制安祿山反竄山南節度崔圓授揚州工曹至官信宿而去客死汝南逆旅門人謚曰文元先生穎士善觀書一覽卽誦通百家譜系書擿嘗教授濮陽時號蕭夫子李林甫惡不附己故數罷去閩士和盛推穎士文章以爲聞蕭氏之風者童子羞稱曹陸唐書云穎士作伐櫻桃賦以詆李林甫君子恨其褊按集載其辭有曰每俯臨乎蕭牆姦回得而窺伺蓋謂林甫之必致寇也其後果階祿山之禍唐遂不振然則穎士可謂知幾矣宜褒而返加以貶詞何哉

讀書志卷十七

七

張鷟龍筋鳳髓判十卷

右唐張鷟字文成辭章藻麗嘗八中制科此乃其書判也凡一百首自號浮休子

孟浩然詩一卷

右唐孟浩然襄陽人工五言詩隱鹿門山年四十乃遊京師一日諸名士集祕省聯句浩然句曰微雲淡河漢疎雨滴梧桐衆皆欽服張九齡王維雅稱道之維私邀入禁林遇元宗臨幸浩然匿牀下維以聞上曰素聞其

人因召見命自誦所爲詩至不才明主棄之向上曰不求進而誣朕棄人命放歸所著詩二百一十首宜城處士王士源序次爲三卷今併爲一又有天寶中韋縉序嚴從中黃子三卷

右唐嚴從開元中爲著作郎春官侍讀集賢院學士卒自號中黃子當時命太子侍文呂向訪遺文於家得訓考經頌等八篇序爲三卷

李翰林集二十卷

右唐李白太白也白集舊十卷唐李陽冰序咸平中樂

史別得白歌詩十卷凡歌詩七百七十六篇又纂雜著爲別集十卷宋次道治平中得王文獻及唐魏萬所纂白詩又哀唐類詩洎刻石所傳者通李陽冰樂史集共一千一篇雜著六十五篇曾子固乃考其先後而次第之云白蜀郡人天寶初至長安明皇召爲翰林供奉頃之不合去安祿山反明皇在蜀永王璘節度東南白時卧廬山迫致之璘敗坐繫潯陽獄崔渙宋若思驗治白以爲罪薄釋其囚使謀其軍乾元元年終以污璘事長流夜郎以赦得釋過當塗以卒始終更涉如此此白之

詩書所自序可考者也。舊史稱白山東人爲翰林待詔，又稱白在宣城謁見永王璘，遂辟爲從事而新書又稱白流夜郎還潯陽坐事下獄，宋若思釋之者皆不合於白之自序。蓋史誤也。予按杜甫詩亦以白爲山東人，而蘇子瞻常恨白集爲庸俗所亂，則白之自序亦未可盡信，而遂以爲史誤。近蜀本又附入左綿邑人所哀，白隱處少年所作詩六十篇，尤爲淺俗。白天才英麗，其辭逸蕩雋偉，飄然有超世之心，非常人所及。讀者自可別其真僞也。

讀書志卷十七

廿一

岑參集十卷

右唐岑參南陽人。文本裔，孫天寶三年進士，累官補闕，起居郎，出爲嘉州刺史。杜鴻漸表置幕府爲職方郎中，兼侍御史，罷終於蜀。參博覽史籍，尤工綴文，屬辭清尚，用心良苦，其有所得，往往超拔孤秀，度越常情，每篇絕筆人競傳諷。至德中，裴案袁本此下有越字。覆案瞿鈔本無越字。通考裴下有度字。薦舊鈔袁本裴薦連文薦杜甫等，嘗薦其識度清越。案瞿鈔本袁議本通考作遠議。論雅正，佳名早立，時輩所仰，可以備獻替之官。云集有

杜確序

李嘉祐詩二卷

右唐李嘉祐別名從一趙州人天寶七年進士爲祕書
正字袁台二州刺史善爲詩綺靡婉麗有齊梁之風時
人以比吳均何遜云

高適集十卷集外文一卷別詩一卷

右唐高適達夫也

案瞿鈔本有又字仲武四字

渤海人天寶八年舉

有道科中第永泰初終散騎常侍五十始爲詩卽工以
氣質自高每一篇出好事者輒傳布云

賈至集十卷

讀書志卷十七

廿

右唐賈至幼幾也洛陽人天寶十年明經擢第累官起
居舍人知制誥從幸西川當撰傳位冊旣進藁上曰先
天誥命乃父爲之今茲冊命又爾爲之兩朝大典出卿
父子可謂繼美矣大厯中終散騎常侍集李邕鄆淑家
本二十卷蘇弁編次常仲孺爲序以墓銘叙碑列於後
今止其半蘇子瞻嘗行呂惠卿責詞有元兇在位之語
仇人乃曰世惟宋太子劭謂之元兇因誣其指斥殊不
知曹子建責躬詩有曰元兇是率蓋自謂也今至制誥
中除魏仲犀

案原本魏舒瞿鈔本袁本通考仲犀據改

徐歸道詞亦以元兇

指祿山豈獨劭爲元兇邪世多疑子瞻失詞因表出之

錢起詩二卷

覆案通考標目作錢考功集一卷

右唐錢起徵之父也

案徵字袁本通考作徵誤

吳郡人天寶中舉進

士初從鄉薦客舍月夜聞人哦於庭曰曲終人不見江

上數峯青起攝衣從之無所見矣及就試詩題乃湘靈

鼓瑟也起卽以鬼謠十字爲落句主文李暉

案瞿鈔本袁本通考

作暉。覆案舊鈔袁本作暉與此同

深嘉之擢置高第釋褐授校書郎終

考功與郎士元齊名時曰前有沈宋後有錢郎

元子十卷琦珩一卷文編十卷

案通考作琦珩子袁本宋藝文志珩

讀書志卷十七

廿

作珩誤瞿鈔本與此同

右唐元結次山也後魏之裔天寶十三年進士復舉制

科授右金吾兵曹累遷容管經畧使始在商餘山稱元

子逃難入琦珩洞稱琦珩子或稱浪士漁者稱爲鰲叟

酒徒呼爲漫叟及官呼爲漫郎因以命其所著結性耿

介有憂道閔世之思逢天寶之亂或仕或隱自謂與世

聲牙豈獨其行事而然其文辭亦如之然其辭義幽約

譬古鍾磬不諧於里耳而可尋玩在當時名出蕭李下

至韓愈稱數唐之文人獨及結云

韓翃詩五卷

案原本翃瞿鈔本與此同誤今據袁本通考改

右唐韓翃君平也南陽人天寶十三年進士淄青侯希逸宣武李勉相繼辟幕府俄以駕部郎中知制誥終於中書舍人翃詩興致繁富朝野重之

杜甫集二十卷集外詩一卷注杜詩二十卷蔡興宗編杜詩二十卷趙次公注杜詩五十九卷

右唐杜甫子美也審言之孫天寶十三年元宗朝獻太清宮享廟及郊奏賦三篇使待制集賢院宰相試文再遷右衛率府胄曹終於劍南參謀檢校工部員外曠放不自檢好論天下大事高而不切少與李白齊名時號李杜數當寇亂挺節無污爲歌詩傷時燒弱情不忘君人憐其忠云集有王洙原叔王琪君玉序皇朝自王原叔以後學者喜觀甫詩世有爲之注者數家率皆鄙淺可笑有託原叔名者其實非也呂微仲在成都時嘗譜其年月近時有蔡興宗者再用年月編次之而趙次公者又以古律詩雜次第之且爲之注兩人頗以意改定其誤字云

讀書志卷十七

廿

吳筠宗元先生集十卷

右唐吳筠撰前有權德輿序筠字貞節華陰人生十五年隱於南陽天寶初召至京師請爲道士居嵩山已而敕待詔翰林筠知祿山將亂求還茅山許之乃東遊會稽往來天台剡中與李白孔巢父酬唱大厯中卒弟子謚爲宗元先生筠通經義美文辭性高曠其待詔翰林也特承恩顧高力士素奉佛嘗短筠於帝故筠所著文賦深詆釋氏頗爲通人所譏云

獨孤及毘陵集二十卷

右唐獨孤及至之也洛陽人天寶中

案袁本中作十三年舉洞曉

讀書志卷十七

廿五

元經科代宗初爲太常博士濠舒二州刺史政最徙常州卒於官及幼有成人之量徧覽五經觀其大義不爲章句學爲文以立憲誠世寢賢遏惡爲用長於論議唐實錄稱韓愈師其爲文云集有李舟梁肅前後序末載崔祐甫碑誌

皇甫冉詩二卷

右唐皇甫冉茂政也丹陽人天寶十五年進士爲無錫尉歷拾遺補闕卒與弟曾齊名當時比張氏景陽孟陽云集有獨孤及序

郎士元詩一卷

右唐郎士元字君胄中山人天寶十五年進士爲郢州刺史與錢起俱有詩名而士元尤更清雅時朝廷公卿出牧奉使若兩人無詩祖行人以爲愧

顧况集二十卷

右唐顧况字通翁蘇州人至德二年江東進士善爲歌詩性詼諧德宗時柳渾輔政以祕書郎召况况素善李泌及泌相自謂當得達官久遷著作郎及泌卒有調笑語貶饒州司戶卒集有皇甫湜序

讀書志卷十七

共

陳蛻詩一卷

右唐陳蛻未詳其行事集有長安十五詠自序云蛻生長江淮間以詩句從賊案瞿鈔本袁本作賊。覆案袁鈔本賊觀下今我后撫運句意則從賊賊字爲是近十餘年矣今我后撫運澤及四海蛻復得爲太平人云若此殆肅代間人也

盧綸詩一卷

右唐盧綸與吉中孚韓翃錢起司空曙苗發崔峒耿緯夏侯審李端皆以能詩名號大厓十才子綸字允言累舉進士不第

耿緯詩二卷

覆案袁本作漳通考標目亦作漳其引陳氏語云寶應二年進士登科記

一作緯則此作緯亦通翟鈔本舊鈔袁本作緯與此同

右唐耿緯寶應元年進士爲左拾遺

韋應物集十卷

右唐韋應物京兆人周遙公夏之後左僕射扶陽公待價生令儀令儀生靈鑿生應物天寶時爲三衛永泰中任洛陽丞京兆府功曹大厯十四年自鄆縣制除櫟陽令稱疾辭歸建中二年授比部郎中守滁州居頃之改江州召還擢左司郎中或媚其進媒孽之出爲蘇州刺

讀書志卷十七

廿

史性高潔鮮食寡欲所居焚香除地而坐詩律自沈宋以後日益靡曼鏤章刻句揣合浮切雖音韻婉諧屬對麗密而嫺雅平淡之氣不存矣獨應物之詩馳驟建安以還得其風格云

李端司馬集三卷

右唐李端趙州人大厯五年進士爲校書郎卒官杭州司馬郭曖尚昇平公主賢明招納士類故端等皆客之嘗座上賦詩奇甚主大加稱歎錢起曰素爲之請賦起姓端立獻一章云新開金埒看調馬舊錫銅山許鑄錢

錢起乃服主喜厚賜之

李益詩一卷

右唐李益君虞也姑臧人大厯四年進士調鄭縣尉幽州劉濟辟從事憲宗雅聞其名召爲集賢殿學士負才凌藉士類衆不能堪暴其獻濟詩不上望京樓之句以涉怨望詔降秩俄復舊益少富詞藻長於歌詩與宗人賀齊名每作一篇樂工以賂求取被聲歌供奉天子征人早行詩天下皆施之圖繪今集有從軍詩五十首而無此詩惜其放逸多矣

讀書志卷十七

廿

陸贄奏議十二卷翰苑集十卷

右唐陸贄敬輿也贄嘉興人大厯八年進士中博學宏詞書判拔萃科德宗初爲翰林學士從奉天還爲中書舍人平章事贄在奉天日下詔書數百初如不經思逮成皆周盡人情嘗爲帝言今盜徧天下宜痛自悔以感人心誠不吝改過以言謝天下使臣持筆無所忌庶叛者草心上從之故下制書雖武夫悍卒無不感動流涕議者謂興元戡難功雖爪牙宣力蓋腹心有助焉舊翰苑集外有勝子集五卷議論集三卷元祐中蘇子瞻乞

校正進呈改從今名疑是時哀諸集以成云

王建詩十卷

右唐王建也太麻十年進士爲昭應縣丞太府寺丞大和中陝州司馬尤長宮詞

柳郊詩一卷

右唐柳郊集有與李端盧綸輩相酬贈詩大麻間進士也

武元衡臨淮集二卷

右唐武元衡伯蒼也河南人建中四年進士元和二年

讀書志卷十七

九

以門下侍郎平章事出爲劔南節度八年復秉政明年早朝遇盜爲所害元衡工五言詩好事者傳之被於管絃嘗夏夜作詩曰夜久喧暫息池臺惟月明無因駐清景日出事還生翌日遇害舊有臨淮集七卷此其二也議者謂唐世工詩宦達者惟高適達官詩工者惟元衡

案達官袁本通考作
宦達瞿鈔本與此同

羊士諤詩一卷

右唐羊士諤也貞元元年擢進士第順宗時爲宣歙巡官王叔文惡之案瞿鈔本袁本通
考惡之作所惡貶汀州寧化尉元和

初李吉甫知獎擢監察御史掌制誥嘗出爲資州刺史
麴信陵集一卷

右唐麴信陵貞元元年進士爲舒州望江令卒

楊巨源詩一卷

右唐楊巨源字景山河中人貞元五年第進士爲張宏
靖從事自祕書郎擢太常博士遷禮部員外郎出爲鳳
翔少尹復召除國子司業巨源在元和中詩韻不造新
語體律務實用功頗深旦暮搖首微詠不輟年老成疾
嘗贈宏靖詩叙其世家云伊陟無聞祖韋賢不到孫時
人稱之年滿七十乞歸時宰惜其去使爲其鄉少尹不
絕其祿大和時以官壽卒

歐陽詹集十卷

右唐歐陽詹行周也泉州人貞元八年進士終國子四
門助教初閩人不肯北官及常袞爲觀察使興學勸士
詹始以進士舉其聯第者如韓愈李絳諸人皆天下選
時稱龍虎榜云此集李貽孫纂退之作詹哀辭稱詹甚
美大意謂詹覓舉京師將以爲父母榮也又云其德行
信於朋友而唐小說載詹惑太原一妓爲賦高城已不

見况復城中人之詩卒爲之死今集中載焉然則詹之志豈僅在父母哉有德行者乃爾耶

韓愈集四十卷集外文一卷

右唐韓愈退之也南陽人貞元八年進士累擢知制誥進中書舍人遷吏部侍郎爲京兆尹與李紳不協紳出愈罷爲兵部俄復舊劉昫唐書稱愈恃才肆意蓋孔孟之旨若南人妄以柳宗元爲羅池神而愈作碑以實之李賀父名晉肅不應進士而愈爲作諱辨又爲毛穎傳譏戲不近人情此文章之甚紕繆者新書稱愈三歲而

讀書志卷十七

卅一

孤自知讀書比長盡通六經百家學性明銳不詭隨每言文章自相如子長後作者不世出故深探本原卓然樹立成一家言造端置辭要爲不襲蹈前人者議者謂舊史譏其文章甚紕繆固不待辨而新史褒其造端置辭不襲蹈前人亦未爲知愈蓋愈之置辭造端字字悉有依據如毛穎傳進學解之類皆有所師範云其集屢經名人是正其訛舛絕少但編次殊失倫類當重爲編輯之

李絳論諫集七卷

右唐李絳深之也贊皇人貞元八年進士中宏詞科補
渭南尉六年進中書侍郎平章事大和初爲山南西道
節度使四年南蠻入寇爲亂兵所害絳儀質魁偉以直
道進退望冠一時賢不肖太分屢爲讒邪所中平生論
諫數十百事其甥夏侯孜所編大中史官蔣偕爲序

李觀文編三卷外集二卷

右唐李觀元賓也華之從子貞元八年進士中宏詞科
終太子校書郎觀爲文不襲前人時謂與愈相上下

鈔本袁本通考
有議者以三字

觀少天文故未極愈得中壽

紫瞿鈔本
袁本通考

讀書志卷十七

卅二

得中壽作
老不休

故獨擅名大順中陸希聲編觀文爲之序有

謂觀尚辭故辭勝理愈尚質故理勝辭雖愈窮老終不
能加觀之辭觀後愈死亦不能逮愈之質云其後蜀人
趙昂又得其安邊書至晁錯論一十四首爲後集二卷
頃年從父詹事公掌誥命以四之日爲四日不學者闕
然以爲非觀集中亦云爾乃知本於此

柳宗元集三十卷集外文一卷

右唐柳宗元子厚也後魏濟陰公某之裔

案通考有河
東人三字

貞元九年進士中博學宏詞科授校書郎終於柳州刺

史宗元少精敏絕倫爲文章卓偉精微旣羸斥堠厄感鬱一寓諸文傲離騷數十篇讀者悲惻在柳州進士走數千里從學經指授者文辭皆有法世號柳州韓愈評其文曰雄深雅健似司馬子長崔蔡不足多也

案通考此

下有安定皇甫湜於文章少所推讓亦以退之之言爲然集中以下至末俱無之

集中有御史

周君礪司馬溫公考異以此礪爲周子諒礪實開元二十五年宗元作天寶時誤按子諒以彈牛仙客杖流瀼州死藍田舊唐書紀牛仙客傳及元宗實錄皆載之而

此礪殊踈畧

案瞿鈔本袁本子諒云云至末與此互異

讀書志卷十七

卅三

劉禹錫集三十卷外集十卷

右唐劉禹錫夢得也中山人貞元九年進士登博學宏詞科貶朗州司馬元和十年召還欲任以南省郎作元都觀看花詩譏忿當路出爲播州刺史裴度以母老爲請得易連州入爲主客郎中復作遊元都詩以詆權近俄分司東都遷賓客會昌時加檢校禮部尚書卒禹錫少工文章恃才而廢老年寡所合乃以文章自適素善詩晚節尤精白居易推爲詩豪嘗言其詩在處應有神物護持禹錫早與柳宗元爲文章之友稱劉柳晚與白

居易爲詩友號劉白雖詩文似少不及然能抗衡二人間信天下之奇才也

孟郊詩集十卷

右唐孟郊東野也湖州人貞元十二年進士調溧陽尉辟爲興元參謀卒郊少隱嵩山性介寡合韓愈一見爲忘形交爲詩有理致然思苦澁李觀論其詩曰高處在古無上平處下顧二謝云張籍謚爲貞耀先生覆案瞿鈔本耀

作曜集宋次道重編先時世傳汴吳鏤本五卷一百二十

四篇周安惠本十卷三百三十一篇別本五卷三百四

讀書志卷十七

世

十篇蜀人寒濬用退之贈郊句纂成咸池集二卷一百八十篇自餘不爲編秩雜錄之家家自異次道總拾遺

逸摘去重複若體製不類者得五百十一篇四覆案瞿鈔本通

考四袁本作而十聯句不與焉一贊二書附於後郊集於是始

有完書

呂溫集十卷

右唐呂溫和叔也一字化光河中人貞元十四年進士以善草執誼王叔文起家再命左拾遺同張薦使吐蕃元和初使還累進知御史雜事再貶道州刺史徙衡州

溫從梁肅為文章規摹左氏藻贍精富流輩推尚劉禹錫為編次其文序之云古之為書先立言而後體物賈生之書首過秦而荀卿亦後其賦故斷自人文化成論至諸葛武侯廟記為上篇今集先賦詩後雜文非禹錫本也

李翱集十八卷

右唐李翱習之也涼武昭王之後貞元十四年進士調校書郎知制誥會昌初終山南東道節度使翱性峭髀論議無所屈仕不得顯官怫鬱無所發從韓愈為文詞致渾厚見推當時集皆雜文無歌詩前有蘇舜欽序云唐之文章稱韓柳翱文雖辭不逮韓而理過於柳

張籍詩集五卷

右唐張籍文昌也和州人貞元十五年登進士第終國子司業籍性狷急為詩長於樂府多警句元和中與白樂天孟東野相酬唱案瞿鈔本袁本通考相酬唱作歌詞天下宗之謂之元和體云其集五卷張洎為之編次覆案通考謂之句未無云字下存一

本纔三卷五字無其集云云瞿鈔本袁本作集張洎編四字

昭德先生郡齋讀書志卷第十七終

